

DS
735
A2586
1771a
V. 58

University of Toronto
Library

c. 400/62

ASIAN COLLECTION

御批歷代通鑑輯覽卷之一百十五

明

莊烈帝

丁丑崇禎十年春正月辛丑朔日食。

賊犯安慶。

張獻忠糾羅汝才馬守應劉國能

即闖塌天

等自襄陽東下。

與江北賊革裏眼左金王合烽火達淮揚南京兵部尙

書范景文操江都御史王道直總兵楊御蕃分汛固守。

安池道史可法親率兵當賊衝賊遂從間道犯安慶連

營百里詔左良玉馬燠劉良佐合兵往援皆大破賊賊

走潛山太湖山中巡撫張國維

字玉笥東陽人

檄良玉搜山不

應尋北去。賊復出太湖。敗官軍於酆家店。殺參將程龍。陳于王等四十餘人。遂陷和州。含山。定遠。六合。攻天長。破盱眙。良玉令河南士民合疏留已。竟不赴援。已而總兵牟文綬偕良佐來赴。賊始遁。獻忠入湖廣。

二月。我

大清兵下朝鮮。

先是我

大清往征朝鮮。攻克義州。渡嘉山江。進薄平壤。朝鮮空城遁去。國王李倬遣使請受盟。因許其通和而還。既而朝鮮復屢背約。陰持兩端。我

太宗文皇帝乃親統大軍征之。長驅直入。遂克王城。國王李倬

逃于南漢山城。

大軍圍之。其妻子羣臣盡被俘獲。已而漢江口濱海之地。

及江華島城。

在朝鮮國開州東北海中。

復爲

大軍所取。倥勢益窮蹙。乃上明所給勅印。奉表出降。

朝鮮既降。

皮島益孤。孔有德耿仲明尚可喜夾攻之。副總兵金日觀力戰死。皮島遂爲

大清所

取。

三月起楊嗣昌爲兵部尙書。

嗣昌以父憂在籍。會尙書張鳳翼卒。帝顧廷臣無可任者。乃以嗣昌爲之。嗣昌博涉文史。多識先朝故事。有口才。酬對敏捷。帝以爲能。所奏請無不從。嗣昌議大舉平賊。分各省官軍爲四正六隅。謂之十面之網。總督總理。

二臣隨賊所向征討。因議增兵十二萬。增餉二百八十

萬。措餉之策有四。曰因糧。因舊額量加畝輸六合。石折銀八錢。傷地不與。歲得銀百

九十二萬。九千有奇。曰溢地。土田溢原額者。核實輸賦。歲得銀四十萬六千有奇。曰事例。民

輸貲爲監生。曰驛遞。前此郵驛裁省之。議上。帝下詔有暫累銀以二十萬充餉。

吾民一年除此腹心大患。語改因糧爲均輸。布告天下。

尋以武臣驕惰。逮戮失事。總兵王忠。張全昌。惟左良玉

以六合破賊功。戴罪自贖。

夏四月。以熊文燦爲兵部尙書兼都察院右副都御史。總

理南畿。河南。山西。陝西。湖廣。四川軍務。

文燦官閩廣久。帝未識其爲人。因遣中使假廣西采辦

名往覘之。旣至。文燦甚有所贈遺。留飲十日。中使喜。語

文燦歷官旣久且顯。莊烈
豈容不識其爲人。乃以勦
賊重任而令中使隱覘其

是非更何足信況文燦酒酣耳熱不過浮誕狂談其胸中本無定見聞奴德其贈遺專務揄揚莊烈更因嗣昌借內援薦引擢總軍務卒致庸劣債輟當時國勢將傾卽慎簡賢能猶恐難勝扶危之選而朝廷求才大臣推轂皆取必于宦官安得不益促其滅亡乎

及中原寇亂。文燦方中酒。擊案罵曰。諸臣誤國耳。若文燦往。詎令鼠輩至是。中使起立曰。吾非往廣西采辦也。銜上命覘公。公信有當世才。非公不足辦此賊。吾今還。公旦夕且召。文燦出不意。悔失言。隨言有五難。四不可。中使曰。吾見上自請之。若上無所吝。卽公不得辭矣。文燦詞窮。應曰諾。中使還朝。果言之于帝。初。文燦自貴州徙家蘄水。與邑人姚明恭爲姻。明恭官詹事。與楊嗣昌相善。嗣昌握兵柄。得帝眷。以帝急欲平賊。規引一人自助。明恭因薦文燦。且曰。此有內援。可引也。嗣昌遂薦之。至是。帝以文燦總理南畿五省軍務。文燦拜命。卽請左良玉所將六千人爲已軍。而大募粵人及烏蠻精火器。

者一二千人以自護。弓刀甲冑甚整。

次廬山。謁所善僧空隱。僧迎謂曰。公

誤矣。文燦屏人問故。僧曰。公自度所將兵。足制賊死命乎。曰。不能。曰。諸將有可屬大事者乎。曰。未知何如也。曰。二者既不能當賊。上特以名使公。厚責望。一不效。誅矣。文燦却立良久。曰。撫之何如。僧曰。吾測公必撫。然流寇非海寇比。公其慎之。文燦乃辭去。

抵安慶。良玉桀驁不受節制。其下與粵軍不和。大訴。文燦不得已。遣還南兵。然良

玉軍實不爲用。嗣昌言于帝。乃以邊將馮舉苗有才。兵

五千人隸焉。已而京營將黃得功

字虎山。開原衛人。

連破賊兵。

威甚振。當是時。嗣昌建四正六隅之策。增兵餉大半。期

滅賊。賊頗懼。及文燦至。京軍屢捷。益懼。文燦顧決計招

撫。刊檄徧懸通都。帝聞之怒。嚴旨譙責。嗣昌爲救。乃解。

六月。溫體仁罷。

臣劾之者。先後不可勝計。布衣楊光先。至輿櫬上奏。帝益謂其孤立。罪責言者。或至杖死。至是。常熟人張漢儒。

許錢謙益瞿式耜居鄉不法事

許錢謙益瞿式耜居鄉不法事。先是庶吉士張溥知縣

人倪

張溥。字天如。張永。字受先。俱太倉人。體仁故讐謙元珙。上虞人。馮元颺。字爾賡。慈溪人。

化淳化淳故王安門下也。德謙益嘗爲安作碑文。頗爲

溫體仁前以枚卜生嫌早欲甘心謙益乃謙益急而走險求解與援曹化淳復因體仁密揭其私自請案治悉舉其平日交關詭計發覆無遺莊烈亦遂頓悟奸謀聽其引退以衆廷臣積年不能撼者一寺人不轉瞬而逐之體仁固不足道而當日黜陟大權徧徇中官毀譽莊烈之察察適成其憤憤耳

營求漢儒偵知之與其黨告體仁體仁密奏帝請并坐化淳罪帝以示化淳化淳懼自請案治乃盡得漢儒等奸狀及體仁密謀獄上帝始悟體仁有黨詔下漢儒等立枷死體仁乃佯引疾意帝必慰留及得旨竟放歸體仁輔政數年念朝士多與爲怨不敢恣肆用廉謹自結於上苞苴不入門然當是時流寇踰畿輔擾中原邊境雜沓民生日困未嘗建一策惟日與善類爲仇其所引與同列者皆庸材苟以充位且藉形已長固上寵帝每訪兵餉事輒遜謝曰臣夙以文章待罪禁林上不知其爲下擢至此位盜賊日益衆誠萬死不足塞責顧臣愚無知但票擬勿欺耳兵食之事惟聖明裁決有詆其窺帝意旨者體仁言臣票擬多未中窾要每經御筆批改頌服將順不暇詎能窺上旨帝愈親信之及得旨放歸體仁方食失匕箸歸踰年死

兩畿山西大旱山東河南蝗

秋八月以劉宇亮

綿竹人宇烈弟

傳冠

字元甫進賢人

爲禮部尙書薛國

觀。韓城人。為禮部侍郎。並兼東閣大學士。預機務。

國觀為人。陰鷲谿刻。不學少文。溫體仁因其素讐東林。密薦于帝。遂致柄用。時體仁雖去國。而國觀與張至發。並效其所為。蔽賢植黨。國事日壞。

冬十月。李自成犯四川。

自成窺蜀中空虛。乘間陷寧羌。破七盤關。在保寧府廣元縣北七盤

嶺上。分三道入蜀。總兵官侯良柱禦之于綿州。戰死。遂連

陷昭化。劍州。梓潼。江油。黎雅。青神。進逼成都。未幾。洪承

疇督曹變蛟來援。自成乃由洮州入番地。官軍轉戰千

里。不解甲者二十七晝夜。自成引殘卒竄入岷州。及西

河。宋置州。明改縣。今縣屬秦州。禮縣。元置禮店縣。明初改千戶所。今縣屬秦州。山

中。

以中官曹化淳提督京營。

復以李明哲提督五軍營。杜勲提督神樞營。閻思印提督神機營。鄭良輔總理京城巡捕。

戊寅

十一年春正月。裁南京冗官。

夏四月。張獻忠僞降。總理軍務熊文燦受之。

當是時。河南湖廣賊十五家。惟獻忠最狡黠驍勦。次則曹操。獻忠嘗僞爲官兵。欲給宛城。左良玉適至。獻忠倉皇走。前鋒羅岱射之。中額。良玉馬亦及。刀拂獻忠面。馬馳以免。會熊文燦爲總理。刊檄撫賊。闖塌天與獻忠有卻。詣文燦降。獻忠創甚。不能戰。心內恐。至是。偵陳洪範。

隸總理麾下爲總兵大喜。獻忠當死。洪範救之。事具前。因遣間齎重

幣獻洪範曰。獻忠蒙公大恩。得毋死。公豈忘之邪。願率

所部降以自効。洪範亦喜。爲告文燦。受其降。巡按御史

林銘球。廣東海豐人。分巡道王瑞枬。永嘉人。與良玉謀。俟獻忠

至而執之。文燦不可。乃止。

張至發罷。

至發嘗疏詆黃道周。頌溫體仁。屢爲言者所劾。至是。中

書舍人黃應恩。以賂請得罪。詞連至發。至發憤甚。連疏

請勘。帝優旨褒答。而下應恩獄。至發乃乞休。自引三當

去。未嘗稱疾也。忽得旨回籍調理。時人傳笑。以爲遵旨

患病云。至發頗清強。起外僚。諸翰林多不服。又始終惡異己。不能收物情。帝亦以其望輕。卽聽之去。後

不足為重輕口嘗謂正類而類奸邪其人更無足取特是莊烈既擢之政府用舍自有權衡即知其器餘曠官亦當明示以罷免之故乃止因其以外吏起家為翰林所不服遂謂其望輕而棄之當時廷臣伐異黨同甚至把持朝局積習實奇痛恨莊烈不能祗除惡俗轉視以進退閣臣俱亦能矣

十四年。帝思用舊臣。特勅召周延儒賀逢聖。及至發。獨至發四疏辭。十五年四月。卒于家。

五月。熒惑逆行。至秋乃滅。

帝素服減膳。諭諸臣修省。

六月。孔貞運罷。

貞運先與黃士俊賀逢聖同相。已而兩人相繼罷去。士俊

十年十二月罷。逢聖是年三月罷。及是。貞運代張至發為首輔。會帝親

自考選諸臣卷。下輔臣再閱。貞運及薛國觀頗有所更。

及命下。閣擬悉不從。而帝以所擇十八卷。下部議行。適

新御史羣謁朝房。貞運言。諸卷說多難行。新御史遂有

劾之者。貞運即引歸。

國變後。貞運哭臨。勸絕不能起。未幾卒。貞運至聖六代孫也。

以楊嗣昌。程國祥。蔡國用。

金谿人。

為禮部尚書。方逢年。

遂安人。

范復粹

黃縣人。

爲禮部侍郎。並兼東閣大學士。預機務。嗣昌

兼掌兵部。

初國祥掌戶部。議借都城賃舍租一年。可得五十萬。勛戚內官多匿不奏。得僅十三萬。然國祥由是得帝眷。至是與嗣昌等並入閣。

兩畿山東河南大旱蝗。

秋七月。謫少詹事黃道周官。

初。遷安郭鞏以逆案謫戍。其鄉人爲訟寃。楊嗣昌時巡撫永平。聞于朝。及奪情入閣。又起復逆案陳新甲

長壽人。

爲總督。于是言官相繼論之。道周上三疏。一劾嗣昌奪情。一劾新甲走邪徑。一劾遼東巡撫方一藻

歙縣人。

主和

議時道周已充日講官遷少詹事會廷推閣臣道周名

在列帝不用用嗣昌等帝疑道周怨望嗣昌復撫拾道

周前辭諭德疏中有文章氣節不如鄭鄭字峯陽武進人振先子

語鄭方以逼父杖母爲時詬病鄭鄭者改庶吉士與文

體仁憾震孟因劾鄭假乩仙判詞震孟同建言相友善溫

出其從母舅大學士吳宗達帝震怒不俟佐証磔死嗣

昌因言鄭杖母飛走不如今道周又不如鄭何用談綱

常爲且其意徒欲庇凶徒遮前言之謬立心可知因自

乞罷免帝優旨慰之及是召內閣及諸大臣于平臺并

及道周帝與諸臣語所司事久之問道周曰凡無所爲

而爲者謂之天理有所爲而爲者謂之人欲爾三疏適

當廷推不用時果然無所爲乎道周對曰臣三疏皆爲

國家綱常。自信無所爲。帝曰。先時何不言。對曰。先時猶可不言。至簡用後。不言更無當言之日。帝曰。清固美德。但不可傲物。遂非。且惟伯夷爲聖之清。若小廉曲謹。是廉非清也。時道周所對不稱旨。帝屢駁詰。道周曰。今日獨立敢言之人少。讒諂面諛之人多。臣不得不言。帝曰。昔孔子誅少正卯。當時亦稱聞人。止因言僞而辨。行僻而堅。故不免聖人之誅。今人多類此。道周曰。少正卯欺世盜名。心術不正。故聖人誅之。臣心正。所行事皆正。無一毫私。帝曰。向以爾偏。稍示裁抑。後聞爾有操守。旋復官。不圖恣肆乃爾。本當按問。念列講官。姑出候旨。遂叱之退。是時帝憂兵事。謂可屬大事者。惟嗣昌。破格用之。

道周守經失帝意。及奏對。又不遜。帝怒甚。欲加以重罪。念其名高。乃傳諭數百言。戒廷臣毋爲道周劫持。相朋黨。貶道周六秩。爲江西按察司照磨。

八月。傳冠罷。

時有章奏發自御前者。冠以爲揭帖。援筆判其上。旣知誤。惶恐引罪。帝卽放歸。

九月。我

大清兵入塞。燕京戒嚴。

大清兵分路入墻子嶺。青山口。薊遼總督吳阿衡

裕州人。

敗

死。監視中官鄧希詔遁走。遂深入。抵牛關山。總監高起潛兵敗。遂由盧溝橋趨良鄉。下畿輔城四十有八。前大

學士高陽孫承宗

本朝賜專諡忠定

一門殉節死

子舉人鈐

官生銖生員銓鎬從子鍊及孫之沅之滂之潑之浩之

憲從孫之澈之羨之泳之澤之渙之瀚皆戰死又同時

死節者知州則有深州知州孫士美及父訥一家從死

者十三人知縣則有任邱知縣白慧元亦一門俱死餘

如慶都知縣黃承宗靈壽知縣崔賢鹽山知縣陳誌固城知

縣王九鼎青縣知縣張文煥與濟知縣錢珍慶雲知縣

陳絨等教官則有鉅鹿教諭唐一中蠡縣訓導馮太緯

吳橋訓導劉廷訓臨城訓導張純儒等鄉官則有喬若

雯李禎寧李崇德董祚魏克家諸生則有桑開基等皆

以殉節死孫士美青浦人白慧元清澗人馮登鰲膚

州人王鎬武功人王采澤州人崔賢弋陽人唐一中全

州人馮大緯登鰲從父劉廷訓順天通州人張純儒新

安人喬若雯臨城人歷兗州知府罷歸李禎寧任邱人

歷山西按察使罷歸李崇德青縣人歷戶部員外郎董祚隆平舉人魏克家高陽人知鄒平縣又自德

州渡河下山東州縣十有六年正月事在明執德王由樞見瀋

六世布政使張秉文字含之等死之先是楊嗣昌檄山

孫桐城人等死之東巡撫移師德州

于是濟南空虛。巡按御史宋學朱。方行部章。邱聞警。馳還。與秉文及副使周之訓。參議鄧謙。鹽運使唐世熊等。議守城。連章告急于朝。嗣昌無以應。及濟南被圍。秉文等分門死守。晝夜不解甲。援兵竟無至者。及城潰。秉文巷戰。被箭。力不能支。死。妻方妾陳。俱投大明湖。死。學朱之訓。謙。世熊。與濟南知府苟好善。同知陳虞允。通判熊烈。獻。歷城知縣韓承宣。臨邑知縣宋希堯。博平知縣張列。宿。在。平。知縣黃建極。武城知縣李承芳。邱縣知縣高重光。及恩縣鄉官李應薦。歷城舉人劉光化。子漢儀。皆死焉。時又有劉大年。字應。官兵部主事。奉使南京。還朝。道歷城。城破。亦死之。宋學朱。字用晦。長洲人。周之訓。黃岡人。鄧謙。孝感人。唐世熊。灌陽人。苟好善。醴泉人。熊烈。獻。黃陂人。韓承宣。廣之孫。高重光。字秀恒。保定縣人。劉大年。江西廣昌人。

詔盧象昇督兵勤王。

象昇遭父喪。請守制。未行。詔督山西總兵楊國柱。主樸。虎大威。諸軍入援。時楊嗣昌奪情。任中樞。與總監中官高起潛。陰主和議。象昇心非之。會召對平臺。帝慰勞之。

咨以方略對言命臣督師臣意主戰帝色變良久曰和
乃外廷議耳象昇因奏備禦形勢甚悉帝壯之而戒象
昇持重命與嗣昌起潛等議當是時帝心知

大清兵銳甚力不敵而恥言和故委廷議以咨象昇象昇
出與兩人議不合卽日陛辭嗣昌送之屏左右欲有言
久而不能出口第丁寧毋輕戰而已象昇念帝意頗銳
而事多爲起潛撓憤甚疏請分兵嗣昌定議宣大山西
三帥屬象昇關寧諸路屬起潛象昇名督天下兵實不
及二萬越數日嗣昌至軍象昇責以阻師且曰公等堅
主和議獨不思城下之盟春秋所恥長安口舌如鋒恐
袁崇煥之禍立見嗣昌頰赤曰公直以尙方劍加我矣

象昇曰。既不奔喪。又不能戰。尙方劍當先加已頸。安得加入嗣昌曰。公毋以長安蜚語陷人。象昇曰。周元忠赴邊講和。往來數日。其事始薊鎮監督。受成本兵。通國共聞。誰可諱也。嗣昌語塞而去。元忠本瞽人。嘗賣卜于遼。多相識。故嗣昌遣之。然議和事大。不得要領而止。又數日。會起潛安定門。象昇大言。非血戰無以盡臣職。起潛曰。恐野戰非我所長耳。兩人始終各持一議。

洪承疇大破李自成于潼關。

先是自成復謀犯蜀。諸將馬科。賀人龍拒之。乃走漢中。又爲左光先所扼。其黨皆降。惟自成東遁。承疇命曹變蛟窮追。設伏于潼關之南原。大破之。自成妻女俱失。從

文燦三撫不主勦惟圖苟
且息肩庸妄懦怯所見實
與兒童無異夫以張獻忠
兇悍不馴流毒幾半天下
特因屢敗求降文燦竟墮
彼狡謀輕爲納受又不聽
林銘球等襄執之計甘于
養虎深山及孫傳庭引兵
蹙賊復妄疑如其招撫之
功公然檄止至羣賊橫行
益甚穀城旣畔遂爾撲滅
無期與陳奇瑜之縱賊車
箱同爲存亡關鍵以指日
就擒之寇而聽其優游逸
去其罪典助逆何殊厥後
文燦雖正刑章而宗社終
墟又豈一死之所能贖耶

十八騎遁商洛。時關中賊略盡。張獻忠已降。惟羅汝才
等十餘部。往來豫楚。窺陝西。亦以求撫。給熊文燦。孫傳
庭。復引兵敗之于閬鄉。靈寶。賊窘甚。忽得文燦止兵檄。
謂毋妬我撫功。縱部下戕殺。傳庭怏怏而還。未幾。承疇
傳庭皆入衛北行。賊遂不可制。

冬十二月。方逢年罷。

時刑科奏摘參未完疏。逢年以犯贓私者。人亡產絕。瓜
蔓親戚。遂輕議以上。而帝意欲罪刑部尙書劉之鳳。責
逢年疎忽。逢年引罪。卽罷歸。
督師侍郎盧象昇敗于鉅鹿。死之。
是時。

大清兵分三路深入。一由涑水攻易州。一由新城攻雄縣。一由定興攻安肅。象昇聞之。從涿州進據保定。令將分道出禦。大戰慶都。猶未敗衄。而一時列城多望風失守。嗣昌乃奏落象昇尙書銜。以侍郎督師。象昇自擢兵備。與流賊角。大小數十戰。賊雖強盛。俱烏合之衆。一敗卽散走。故所向摧破。及是。

大軍在前。又爲嗣昌所扼。兵力單。餉久乏。將士饑甚。自知必死。晨出帳。四面拜曰。吾與將士同受國恩。患不得死。不患不得生。衆皆泣。莫能仰視。旋進至鉅鹿南賈莊。中官高起潛擁關寧兵。相距五十里。象昇遣贊畫主事楊廷麟。字伯祥。清江人。往乞援。因與訣曰。死西市。何如死疆場。吾

以一死報君。猶爲薄耳。廷麟詣起潛。起潛不應。象昇卒僅五千。行至嵩水橋與

大清兵遇。總兵王樸先引兵逃去。惟虎大威。楊國柱從。象昇勒麾下卒居中。大威帥左。國柱帥右。大戰移時。乃休兵。夜半被圍。明日騎益大至。圍三重。象昇麾兵力戰。礮盡矢窮。大威請潰圍出。象昇不許。猶奮鬪。身中四矢。三刃。手格殺數十人。乃死。一軍盡亡。惟大威。國柱得脫。起潛聞敗。遂倉皇星遁。嗣昌旣夙惡象昇。而起潛懼坐罪。誅。諱象昇死狀。嗣昌疑不死。詔驗視。廷麟遣將得其屍。麻衣猶被體。一卒遙見。卽號泣曰。此吾盧公也。肅拜。衆皆拜。畿民皆奔走。雨泣曰。盧公死。誰恤我者。競立祠祀。

之順德知府于頴

金壇人

覈其狀以上事始白。嗣昌故斬

之。踰兩月乃得殮。

象昇嘗三賜劍。未嘗戮一偏裨。愛才恤下。如恐不及。沒後。羣臣多爲請卹。

帝先中嗣昌言。不納。及嗣昌敗。乃加贈卹。

福王時。追諡忠烈。本朝賜專諡忠肅。

己卯

十二年春正月。以洪承疇總督薊遼軍務。孫傳庭總督

保定。山東。河北軍務。尋下傳庭于獄。

朝議移承疇薊遼。帥秦兵東守。傳庭言秦兵不歸。則流賊勢張。且軍士家在秦。久留于邊。非譁則逃。無益。帝不能用。尋又移傳庭于保定。傳庭疏請召見。爲楊嗣昌所阻。愠甚。引疾乞休。嗣昌復劾之。詔斥爲民。逮繫論死。

二月。劉宇亮罷。

初。宇亮自請督察軍情。抵保定。聞盧象昇敗。懼甚。急趨

晉州不敢戰尾

大清兵而北。至天津。乃劾總兵劉光祚逗遛。詔斬光祚軍前。而光祚適有武清之捷。宇亮復具疏乞宥。帝責其前後矛盾。削籍。

三月。我

大清兵出青山口。

帝逮治失守封疆諸臣。巡撫陳祖苞。總兵吳國鎮等三十六人。同日棄市。

夏四月。總兵官左良玉敗賊于鎮平關。

在南陽府鎮平縣。

初。賊渠馬士秀等降良玉。處其衆于許郊外。許大州諸將寄孥處。會良玉率諸將入援。士秀等假良玉軍號。給

入城縱火殺官吏。殲良玉家。至是良玉南還。擊賊馬進忠于鎮平關。降之。復遣降將劉國能擊降士秀等。于是熊文燦上言。兵威大震。賊歲月可平。帝優詔報之。

程國祥罷。

人主簡用大臣賢否。自宜素悉。况命相大事。更非可以援題發策。取鑑臨時。且程國祥綸屏之擢。莊烈既默定于衷。乃欲假虛文以愚耳目。措置尤為可笑。蓋莊烈亦知廷推之易涉私黨。故變為枚卜。又恐枚卜之未協衆心。故變為親試。法愈變而愈不得人。甚至陳演巧結閣寺。預探意指。

初。國祥之相也。帝御中極殿。召廷臣七十餘人。發策親試之。時天大雨。諸臣面對後。漏已深。終考者止三十七人。然帝意已前定。第假是為名。居數日。國祥遂與楊嗣昌等同相。時先後居政府者八人。劉宇亮。傅冠。薛國觀。楊嗣昌。方逢年。蔡國用。范復粹。及而嗣昌。薛國觀獨用事。國祥委蛇其間。自守而已。至是召對。國祥無一言。帝傳諭責其緘默。大負委任。國祥遂乞休去。尋卒于家。未幾。蔡國用亦卒。

得以迎合揣摩且從而滋弊其于公正用人之道去之益遠不求其本而務尚神奇毋怪乎登進之日濶也

五月以姚明恭張四知

費縣人

魏照乘

滑縣人

並為禮部尚書

兼東閣大學士預機務

三人皆庸劣四知尤甚薛國觀力援入閣

張獻忠叛于穀城

獻忠在穀城擁兵索餉不奉調遣且日肆刼奪人咸知

其必叛知縣阮之鈿

字實甫桐城人

力言于熊文燦文燦不省

洪承疇等入衛羅汝才諸賊疑見勦亦乞降文燦益自

喜至是獻忠復叛殺之鈿毀穀城進陷房縣知縣郝景

春

字和滿江都人

及其子鳴鸞皆死之

鳴鸞力敵萬夫擊傷獻忠左足殺其所愛善馬

又用間入賊壘陰識獻忠臥帳將襲擒之會指揮張三錫開門納賊入守備楊道選巷戰死景春鳴鸞及主簿

朱邦聞皆被執不屈死

左良玉羅岱追擊之至羅喉山遇伏岱被

執不屈死。良玉軍大敗，喪士卒萬人。時李自成亦出收

餘衆，往依獻忠。獻忠欲圖之遁去。

時議者以李自成之遁，車箱峽張獻忠之

叛穀城，爲明所由亡，而陳

奇瑜與文燦其罪首云。

六月，畿內、山東、河南、山西旱蝗。

加征練餉。

廷臣多請練邊兵。帝命楊嗣昌定議。邊鎮及畿輔、山東、河北，凡四總督，十三總兵官，各抽練額兵，總三十七萬有奇。又汰郡縣佐貳，設練備練總，專練民兵。于是勦餉外，復增練餉七百三十萬。

秋八月，削熊文燦官。命楊嗣昌督師討賊。文燦尋逮下獄。帝聞穀城之變，大驚，削熊文燦官。以軍中不可無帥，令

戴罪視事。及聞左良玉敗，益怒。遂命嗣昌往代。逮文燦

下獄論死。

明年十月棄市。

嗣昌既受代，乃大誓師。左良玉、陳洪

範等畢會。嗣昌以良玉有大將才，其兵亦可用，請拜良

玉平賊將軍，報可。良玉既佩將軍印，志凌驕，遣使以書

謝嗣昌。嗣昌不悅。

庚辰

十三年春二月，官軍大敗張獻忠于太平。

明縣今屬四川達州。

是時賊分爲三：西則張獻忠踞楚蜀界，東則革裏眼、左

金王等四營分擾隨、應、麻、黃。南則曹操過天星等十營

伏漳房、興遠間。楊嗣昌駐襄陽，而令左良玉專勦獻忠。

及是，良玉合諸軍至枸平關。

亦曰溝平關，在興安州西南，與四川接界。

與賊

遇，擊之，獻忠敗走。良玉乃請從漢陽西鄉入蜀追之。嗣

昌謀以陝西總督鄭崇儉

字大章寧鄉人

率賀人龍李國安從

西鄉入蜀而令良玉駐兵興平別遣偏將追勦良玉不

從時獻忠營太平縣大竹河

在縣東北亦曰大竹渡其上流即北江下流至陝西

紫陽縣人漢

良玉駐漁溪渡未幾崇儉引其兵來會賊移軍

九滾坪

與下瑪瑙山俱在太平縣境

見瑪瑙山峻險將據之官軍始

抵山下賊已踞山巔乘高鼓譟良玉下馬周覽者久之

曰吾知所以破賊矣分所進道爲三已當其二秦兵當

其一曰聞鼓聲而上兩軍夾擊賊陣堅不可動鏖戰久

之賊大潰墜崖澗者無算追奔四十里良玉兵斬掃地

王曹威白馬鄧天王等渠魁十六人獻忠妻妾亦被擒

遁入興歸山中勢大蹙

夏四月逮江西巡撫解學龍字石帆揚州興化人及黃道周下獄尋遣戍。

道周貶江西按察司照磨。時巡撫解學龍薦所部官。推獎道周備至。故事。但下所司。大學士魏照乘素惡道周。擬旨責學龍濫薦。帝怒。立削二人籍。逮下刑部獄。責以黨邪亂政。並廷杖八十。究黨與。欲寘之死。尚書李覺斯東莞人。讞輕。嚴旨切責。再擬謫戍烟瘴。帝猶以爲失出。除覺斯名。尚書劉澤深扶溝人言。二人罪至永戍。至矣。過此惟論死。論死非封疆。則貪酷。未有以建言者。道周無封疆貪酷之罪。而有建言蒙戮之名。于道周得矣。非我聖主覆載之量也。仍以原擬請。乃謫戍廣西。

以謝陞陳演

并研人

爲禮部尙書並兼東閣大學士預機務

演庸才寡學工結納初入館卽與內侍通帝簡用閣臣每親發策觀所條對覘能否演結中官探得帝所問數事密授演條對獨稱旨遂被擢用

五月石砮女官秦良玉敗羅汝才于夔州

汝才犯夔州遇官軍屢捷會良玉至以兵邀擊連敗之

斬千餘級奪汝才大纛擒其渠六人汝才走大寧

宋縣今屬

夔州府

姚明恭罷

明恭出趙興邦之門公論素不與柄用後鄉人詣闕訟之明恭不自安請告歸遂罷

六月薛國觀以罪免。尋遣使逮入都。賜死。

國觀柄政。一踵溫體仁所爲。而才智遠不逮。操守亦弗如。帝初甚信嚮之。後意亦漸移。帝憂國用不足。國觀請借助于戚畹。因以武清侯李國瑞爲言。國瑞孝定太后兄孫。帝曾祖母家也。國瑞薄庶兄國臣。國臣憤。詭言父貲四十萬。臣當得其半。今請助國爲軍資。故國觀言之。帝因欲盡借所言四十萬。不應。則勒期嚴追。或教國瑞匿貲勿獻。拆毀居第。陳什器通衢鬻之。示無所有。嘉定伯周奎與有連。代爲請。帝怒。奪國瑞爵。國瑞悸死。有司追不已。戚畹皆自危。會皇子病。宦官宮妾倡言孝定太后已爲九蓮菩薩。降神言帝薄外家。諸皇子盡當歿。俄

匿貲鬻器戚畹離心國事
豈堪復問第當淪胥莫挽
之時尙銖銖自封不以佐
軍而適以齎盜國瑞等之
愚實爲可憫至九蓮降神

事端怪不經正與神語帳
中同爲古今笑柄論者或
稱宦妾詭計所全實多殊
不知壯烈之聞言恐悖正
所謂妖由人興亦亡徵之
先見者乃遂緣是深嘆國
觀又不明斥其搜括之咎
失滋甚矣

皇子卒帝大恐封國瑞七歲兒存善爲侯盡還所納金

銀而追恨國觀待隙而發初帝嘗燕見國觀語及朝士

貪婪國觀曰使厥衛得人安敢如是時東廠太監王德

化在側汗出沾背于是專察國觀陰事悉以上聞國觀

不知也及是行人吳昌時吳江人當考選恐國觀抑已因

其門人以見國觀僞許第一當得吏科逮命下乃得禮

部主事昌時大恨以爲賣已與所善東廠謀盡發國觀

受賄不法事以達于帝帝遂借票擬發怒時楊嗣昌有

國觀下五府九卿科道會議革國觀職放歸帝怒猶未

已會國觀出都重車纍纍偵事者以聞而東廠所遣伺

國觀邸者值中書王陞彥至國觀向與交關執之得其平日招

搖通賄狀。詞所連及甚衆。

尙書傳永淳侍郎蔡奕琛等皆與焉。

詔下陞彥

詔獄窮治。頃之。給事中袁愷

聊城人。

復上疏再劾國觀。帝

以陞彥行賄有據。不俟獄具。卽命棄市。而遣使往逮國

觀。國觀遷延不赴。久之。始入都。遂賜死。

事在明年八月。

秋七月。張獻忠與羅汝才合。陷四川諸州縣。

初。賀人龍屢破賊。楊嗣昌私許人龍代左良玉。而良玉

適有瑯瑤山之捷。嗣昌顧人龍曰。須後命。由是兩人皆

不爲用。獻忠遣間說良玉曰。獻忠在。故公見重。良玉乃

圍而不攻。賊得與民市鹽米芻酪收潰散。西走白羊山。

與羅汝才合。時曹操過天星。方窺大昌。

注見前。

巫山欲渡

江。爲官兵所扼。獻忠至。遂與之合。獻忠雖累敗。氣益甚。

立馬江岸。有不前者。輒斬之。賊爭死鬪。官軍退走。賊畢渡。屯萬頃山。歸巫。大震。先是。嗣昌以川地阨塞。合羣賊而蹙之。可盡殄。及是。聞羣賊已聚蜀界。乃自夷陵溯舟而上。而獻忠勢已張甚。曹操過天星等。東西奔突。官軍往來追逐。不能及。獻忠遂陷大昌。進屯開縣。宋州。明爲縣。今縣屬夔州府。張令。永寧降將。戰死。秦良玉亦敗。賊遂北陷劍州。將入漢中。總兵趙光遠。賀人龍。扼之平陽。百丈。俱關名。注見前。賊不得過。乃走巴西。屠綿州。越成都。陷瀘州。復至開縣。嗣昌在重慶。三檄人龍會師。又九檄召良玉兵。皆不至。九月。李自成走鄖均。遂入河南。先是。楊嗣昌在彝陵。檄自成出令降。自成出嫚語。官軍

圍之魚復山中。古魚復縣。因山爲城。所謂赤岬山也。在夔州府奉節縣東。自成大困。

時賊將多出降。自成欲自經。以養子雙喜勸而止。有劉宗敏者。藍田鍛工也。最驍勇。亦欲降。自成知之。與步入叢祠。顧而歎曰。人言我當爲天子。蓋卜之神。不吉。若斷我頭以降。宗敏諾。遂三卜。三吉。宗敏還。殺其兩妻。謂自成曰。吾死從若矣。軍中壯士聞之。亦多殺妻子願從者。會巡撫邵捷春移置戍兵。

圍者懈。自成乃盡焚輜重。輕騎由鄖均走河南。河南大

旱。斛穀萬錢。饑民從自成者數萬。遂自南陽出攻宜陽。

殺知縣唐啟泰。移攻永寧。殺知縣武大烈。臨潼人。拒守三晝夜。城陷。

與主簿魏國輔。教諭任維清。守備王正己。百戶孫世英。皆死之。戕萬安王采鏗。伊王支屬。居永

寧。攻偃師。一日而陷。知縣徐日泰。金谿人。罵賊死。自成于

是勢大熾。杞縣舉人李信者。逆案中尙書李精白子也。嘗出粟賑饑民。民德之。曰。李公子活我。會繩

伎紅娘子反。擄信。強委身焉。信逃歸。官以爲賊。囚獄中。紅娘子來救。饑民應之。共出信。往歸自成。約爲兄弟。改

名巖盧氏舉人牛金星磨勘被斥私入自成軍為主謀議金星又薦卜者宋獻策獻策長三尺餘上載記日十
八子主神器自成大悅自成猜忍好殺巖因說日取天
下以人心為本請勿殺人收天下心自成從之屠戮為
減又散所掠財物賑饑民民受餉者不辨巖自成也雜
呼日李公子活我巖復造謠詞日迎闖王不納糧使兒
童歌之以相煽動民方被勦餉練餉之苦從自成者日益眾矣

冬十一月南京地震

十二月兩畿山東河南山西陝西饑人相食

辛巳十四年春正月官軍追張獻忠于開縣敗績獻忠遂東
犯

先是楊嗣昌駐重慶監軍評事萬元吉

字吉人南昌人

知左良

玉跋扈不可使又慮賊或東突不可無備勸嗣昌令前
軍躡賊後軍繼之分中軍從間道出梓潼扼其歸路嗣

昌不聽。

時嗣昌下令。赦羅汝才罪。降則授官。惟獻忠不赦。擒斬者資萬金。爵侯。翊日。自堂皇至庖。遍

題有斬督師者。資白金三錢。嗣昌駭愕。疑左右皆賊。勒三口進兵。會雨雪道斷。遂復戒期。乃自統舟

師下雲陽。令諸將陸行追賊。及開縣之黃陵城。

在縣東。總

兵猛如虎。參將劉士杰迎戰。士杰深入。所當披靡。獻忠登高望見。無秦人旗幟。而良玉前部無鬪志。乃密選壯士潛行箐谷中。乘高大呼馳下。良玉兵先潰。如虎突圍出。士杰與遊擊郭開皆戰死。嗣昌方悔不用元吉言。而獻忠已席捲出川。下夔門。抵興山。絕新開驛置。楚蜀消息中斷。

李自成陷河南府。殺福王常洵。

先是。援兵過洛陽者。喧言先帝困天下以肥王。今王府

金錢山積乃令吾輩枵腹死賊。尙書呂維祺方家居。勸

王散財餉士。不從。及是。賊大至。總兵陳紹禹等入城守

禦。紹禹親軍從城上呼賊。相笑諾。揮刀殺守堞者。燒城

樓。開北門納賊。常洵縋城出。匿迎恩寺。明日。賊跡而執

之。遂遇害。世子由崧裸而逃。維祺被執。不屈死。同時以

難者待詔郭顯星。推官黨克念。知縣劉芳奕。皆洛陽人。以舉人死難者。洛陽張民表。嵩縣王翼明。以布衣死難

者。孟津孫挺生。新安馬明山。李登英。賊既殺王。勺其血。雜鹿肉以食。曰福

安。祿酒。火王宮。散金以賑饑民。乘勝圍開封。周王恭枏。定

王。補十急發庫金募死士。與巡按高名衡。沂水及副將陳

永福等固守。自成攻七晝夜。不克解去。按呂維祺本朝賜諡忠敬

二月。張獻忠陷襄陽。殺襄王翊銘。憲王瞻塏

六世孫。

楊嗣昌以襄陽爲軍府。餉金甲器各數十萬。皆聚焉。每門設副將防守。啟閉甚嚴。及是。獻忠令羅汝才綴鄖陽兵。自率輕騎。一日夜馳三百里。殺嗣昌使者于道。取其軍符。以二十八騎給入襄陽城。時襄陽未知敗。問合符信。遂納之。夜半火從中起。城陷。賊縛翊銘。屬卮酒曰。吾欲借王頭使嗣昌以陷藩。伏法。遂與貴陽王常法同遇害。參議張克儉。字禹型。屯留人。推官鄺曰廣。南海人。遊擊黎民安。金谿人。等死之。獻忠因得其所失妻妾。居二日乃去。陷樊城。當陽。復與羅汝才合。入光州。殘商城。知縣盛以恒。竭力守禦。城陷。及其孫覺。教諭曹惟禎。典史呂維顯。皆不屈死。邑紳士殉難者。則有創籍副都御史楊所修。副使洪引徵。行取知縣馬綱中。候選教官段增輝。舉人余容。善諸生盧詔德。黃焯。陳廷對。廷璋。鄭光啟。劉澤長。楊士琦。皆罵賊死。所修黨魏忠賢。麗名逆案。及是死節。盛以恒。

潼關
衛人

三月楊嗣昌自殺

嗣昌旋師至荊州沙市

鎮名。注見前。

聞襄陽洛陽皆陷憂懼

不食死以丁啓睿代爲督師啓睿本庸才憚李白成不敢討聞張獻忠在固始稍弱請專剿獻忠從之

夏五月范復粹罷

薛國觀罷後復粹爲首輔御史魏景琦劾其與張四知學淺才疎伴食中書貽譏海內帝以妄詆下之吏至是洛陽陷帝召對廷臣語及福王被害泣下復粹曰此天數帝曰雖天數亦賴人事挽回復粹等慚不能對尋致仕去

秋七月。洪承疇援錦州。次松山。

我

大清兵圍錦州久。環城列礮。刈附近禾稼。復分兵義州屯田。城中屢出兵。皆敗還。前後斬獲無算。

太宗文皇帝以書諭祖大壽降。大壽不答。洪承疇調馬科吳三桂等凡八大將。兵十三萬。進次松山。我

太宗文皇帝聞之。親率大軍。陳于松山杏山之間。橫截大路。承疇等懼。以數千騎畧陣。旋敗走。伺

大軍還。則遣兵從後追襲。相距百步。我

太宗文皇帝復令轉戰。張黃蓋。率數人指揮布陣。士卒望見皆披靡。王樸吳三桂等遂夜遁去。

大軍往來截擊。承疇等軍士皆奔竄四出。自杏山迤南沿海至塔山一路。赴海死者不可勝計。曹變蛟走入松山。與承疇堅守。帝命順天巡撫楊繩武總督遼東寧遠諸軍往援。

臨清運河涸。京師大疫。

八月。左良玉敗張獻忠于信陽。

獻忠自商城疾趨犯信陽。

知州尚孝誌訓導李逢旭陳所聞邑進士張應宿皆死之。

羅山固始泌陽諸州縣羣盜附者萬計。遂東肆畧。獻忠

自瑪瑙山之敗。心畏良玉。及屢勝。頗有驕色。至是良玉

追擊之信陽。大破之。降賊衆數萬。獻忠被重創。乘夜東

奔。良玉急追之。會大雨。江溢道絕。官兵不能進。獻忠走

免已復出商城將向英山又爲副將王允成所破眾散
且盡所從止數十騎時羅汝才已先與自成合獻忠遂
因以投自成自成欲以部曲遇之獻忠不從自成欲殺
之汝才曰不如留之使擾漢南分官軍兵力陰與獻忠
五百騎曰急東走此地非若所當留也因遁去道糾土
賊一斗穀瓦罐子等勢復盛

九月陝西總督傅宗龍

字仲綸
昆明人

軍潰于新蔡死之以汪喬

年

字歲星
遂安人爲總督

自成陷河南勢大盛帝以故尙書傅宗龍總督陝西別

勅保定總督楊文岳

字斗望
南充人

會師宗龍馳入關與巡撫

汪喬年調兵兵已發盡乃檄河南大將李國奇賀人龍

兵隸麾下。急出關。次新蔡。遇伏。人龍先走。國奇及虎大威繼之。宗龍與文岳合兵結營。保兵宵潰。走陳州。宗龍穿塹守八日。矢石俱盡。夜半潰圍走。被執死。賊屠項城。商水。扶溝。陷葉縣。圍左良玉于鄆城。帝乃擢喬年爲總督。

召周延儒賀逢聖復入閣。

初延儒里居頗從東林遊。善姚希孟。

字孟長。吳縣人。

羅喻義既

陷錢謙益。遂讐東林。及主會試。所取士張溥馬世奇

字君常。無錫人。

等。又皆東林也。歸後失勢。心內慙。而體仁益橫。比

體仁去後。張至發薛國觀相繼當國。與楊嗣昌等並以

媚嫉稱。一時正人若劉宗周鄭三俊黃道周等皆得罪。

延儒惡已久。其大勢內惡與萬安之夜望。二台何張溥等乃欲以易轍相。

聖其復收桑榆之效真不啻癡人說夢其尤可怪者八品之賢奸朝廷縱茫無鑑別而賜環起廢何至以昌時等一二儉人交通內侍遽得預操升庸大柄東林錚錚者尙有所交關于延儒乎何誅而當時所謂清流者亦可知矣

溥等憂之。說延儒曰。公若再相。易前轍。可重得賢聲。延儒以爲然。溥友吳昌時爲交關近侍。馮銓復助爲謀。會帝亦頗思延儒。而國觀適敗。至是因與賀逢聖復召入閣。溥等因以數事要之。延儒慨然曰。吾當銳意行之。以謝諸公。既入朝。悉反體仁輩弊政。首請釋漕糧。白糧欠戶。蠲民間積逋。凡兵殘歲荒地。減見年兩稅。蘇松常嘉湖諸府大水。許以明年夏麥代漕糧。及召還言事。遷謫諸臣李清字映碧。春芳五世孫。等。帝皆忻然從之。

冬十月癸卯朔日食。

十一月李自成陷南陽。殺唐王聿鎮聿鍵弟。總兵猛如虎死之。

如虎隨楊嗣昌下荊州。詔移駐南陽。自成來攻。如虎憑

城拒戰。殺賊數千。及城陷。猶短兵大呼衝擊。血盈袍袖。

北面叩頭謝帝。自稱力竭。遂被害。參政艾毓初。字孩如。米脂人。

知縣姚運熙。館陶人。等死之。同時死者主簿門迎恩訓導

南陽知府邱賊連陷鄧州等十四城。再攻開封。高名

衡及陳永福竭力拒守。永福射中自成一目。自成退屯

朱仙鎮。初。汪喬年撫陝西。奉詔發自成先塚。米脂令邊

里。為李氏村。在亂山中。十六塚聚葬。中一塚。自成始祖

也。相傳穴為仙人所定。壙中有鐵燈。燭曰鐵燈。不滅。李

氏當興。如其言發之。有螻蛄數石。火光熒熒然。斷棺骨

青黑色。黃毛被體。腦後一穴。大如錢。中蟠赤蛇。長三四

寸。有角。見日而飛。高丈許。以口吞日色。昨昨者六七

乃伏。喬年函顱骨并腊蛇以聞。及是。自成被射中目。

邊大綬。任邱人。

壬午十五年春正月。起孫傳庭爲兵部侍郎。督京軍。援開封。

李自成圍開封益急。開封故宋汴都。金人重築。厚數丈。

賊用火攻法。于城壞處。實藥壘中。火然藥發。當輒糜碎。

名曰放迸。城土堅。火迸皆外擊。賊騎多殲。自成駭而去。

南陷西華。尋屠陳州。副使關永傑。字人孟。鞏昌衛人。知州侯君

耀。字際明。鹿邑人。鄉官崔泌之。鹿邑人。舉人王受爵俱罵賊死。歸

德睢州。寧陵。太康。數十郡縣。悉被殘燬。商邱知縣梁以

梓。全家殲焉。已復還攻開封。爲持久計。詔釋傳庭于獄。

特召見。獎勞甚至。命督京軍赴援。

二月。陝西總督汪喬年軍潰于襄陽。死之。

初。秦中精銳。盡沒于項城。喬年集散亡。得馬步三萬。使

賀人龍等分將之。攻賊老砦于襄陽。自成解郾圍來救。人龍等不戰而走。軍大潰。喬年收步卒二千入城拒守。賊盡銳攻五晝夜。城陷。喬年被執。罵賊死。賊惡諸生劉漢臣等助城守。劓刖幾二百人。時左良玉藉口勦張獻忠。不赴援。帝方命孫傳庭救開封。傳庭兼程馳赴。會喬年敗沒。人龍潰入關中。帝卽命傳庭往代。且密諭誅人龍。傳庭至。乃數其開城譟歸。新蔡襄城連喪二督罪。斬之。而撫定其部曲。

我

大清兵克松山。洪承疇降。遂下錦州。

松山圍久食盡。督師范志完虞城人不能救。吳三桂遣將

卒尾

大軍後復敗走。會松山副將夏承德遣子爲質。約日獻城。

大軍如期攻之。城遂拔。巡撫邱民仰字長白。渭南人。總兵官曹變

蛟等死之。承疇與總兵祖大樂皆降。寧遠關門勁卒盡

喪。錦州城內糧亦盡。人相食。祖大壽戰守計窮。又聞松

山已失。遂率所部以城降。杏山塔山皆下。大壽尋以病卒。帝論

諸逃將罪。誅王樸。鐫吳三桂三秩。時諸將多擁厚貲。賂

權要。故樸以外皆獲宥。時敗書聞。或傳承疇已死。帝驚悼甚。詔設壇都城。賜承疇祭十

六。民仰大。尋命建祠都城外。承疇民仰並列。將親臨奠。已聞承疇降。乃止。

三月。魏照乘罷。

照乘居位四年。御史徐殿臣劾其暱妾棄妻。縱壻爲奸。

諸醜迹。照乘猶欲辨。御史劉之勃字安侯。鳳翔人。復論之。遂引疾歸。

夏四月。謝陞罷。

初我

太宗文皇帝。屢遣書議和。兵部尚書陳新甲。以國內困敝。亦請主和。以紓患。密遣職方郎中馬紹愉等。持書乞和。我

太宗文皇帝。宴勞有加。禮仍授以書。令還報。遣人送至連山而還。其事甚密。一日新甲私告傳宗龍。宗龍以語謝陞。陞後見疆事大壞。于帝前。述宗龍之言。帝怒。陞進曰。倘肯議和。和亦可恃。帝默然。已而言官謁陞。陞言上意主和。于是言官交章劾陞。帝怒其洩漏。削籍去。新甲亦由此

得罪。初帝密以和議委新甲。手詔往返者數十。皆戒以勿洩。一日馬紹愉以密語報新甲視之。置几上。其家僮誤以為塘報。付之抄傳。于是言路譁然。論劾新甲。帝怒甚。留疏不下。嚴旨切責。令自陳。新甲不引罪。反謂已功。遂詔下獄。尋棄市。

五月以鄭三俊為吏部尚書。

周延儒言于帝。以老成名德不可輕棄。請召三俊復故

官。會吏部尚書李日宣。字晦伯。吉水人。以會推閣臣得罪。日宣等列

蔣德璟黃景昉等名以上。帝命再推。復上房可壯等三人。大僚不獲推者。為流言入內。帝深惑之。特御中左門。召日宣及與推諸臣。責日宣徇情濫舉。命錦衣官褫冠帶就執。羣臣皆股栗失色。遂下日宣刑部。擬戍。與推之臣亦有被罪者。蔣德璟字申。侯黃景昉字太禪。俱晉江人。即命三俊代之。延儒又

請以劉宗周長都察院。范景文長工部。倪元璐佐兵部。皆起自廢籍。其他李邦華張國維徐石麟。字寶摩。嘉興人。等皆

復官。布滿九列。中外翕然稱延儒為賢。

延儒嘗偕同列燕侍。帝語及黃

道周。時道周方謫戍辰州。延儒曰。道周氣賢少偏。然學與守皆可用。同列因請移戍道周近地。延儒曰。上欲用

即用之耳。何必移戍。帝領之。即日復道周官。

張獻忠陷廬州。起馬士英。

貴陽人。

總督廬鳳軍務。

初汴圍急。督師丁啟睿及左良玉往援。獻忠乘間陷亳

州。入英。霍至是復糾別賊陷舒城。據之。

教諭楊延璧與在籍編修胡守

恒。協力嚴守。至三晝夜。城陷。被執。罵賊。廷璧字荆璞。江都人。守恒字見可。連陷廬州。

通判趙與

基。經歷程元。授指揮趙之璞。皆力戰死。興基。太和人。

含山。巢廬江。無為。六安。諸

州縣。南京大震。詔逮鳳陽總督高斗光。起馬士英代之。

士英初巡撫宣府。取公帑饋朝貴。坐遣戍。至是禮部侍

郎王錫衮。

祿豐人。

薦其知兵。周延儒力贊之。遂自戍所起。

用。

六月。賀逢聖張四知罷。以蔣德璟黃景昉吳甦並爲禮部尙書兼東閣大學士預機務。

先是李日宣雖被譴德璟景昉甦三人已先有旨入閣。德璟等以日宣故叩辭新命。因言臣等並在會推中。若諸臣有罪。臣等豈能安。及是三人召對稱旨。遂並入直。秋七月。左良玉兵潰于朱仙鎮。諸鎮皆潰。

開封圍急。帝命良玉赴援。楊文岳合虎大威楊德政方國安及良玉四鎮兵。次朱仙鎮。良玉見賊盛。一夕拔營走襄陽。諸軍皆潰。

九月。李自成決河灌開封。城陷。

決水灌軍古人未嘗不出奇制勝然必自據高原始可收效建瓴之勢未聞地處沮洳轉欲自潰其防者開封瀕臨大河未始不可借洪流為邊險即被圍至再亦惟死守以禦寇氛高名衡等乃忽倡決河灌賊之計不知汴漲偪城勢如釜底即能一舉殲賊居民尚恐不免沈鼃營即可移城邑又安能遷避乎坐令稽天巨浸反資賊手以毒害生靈庸夫逞臆妄為致貽酷禍更不啻藉寇兵而資盜糧矣

高名衡議決朱家寨口在開封府城西北十七里河灌賊賊偵知之遂移營高阜亦驅難民數萬決河河水自北門入貫東南門出奔聲如雷城中百萬戶皆蕩盡得脫者惟周王妃世子及撫按以下不及二萬人賊亦漂沒萬餘乃拔營去時孫傳庭方治軍關中帝以開封急屢趣之出關傳庭言秦兵新募不堪用不聽不得已抵關而開封既陷急攻賊于南陽敗之追奔三十里至邙縣三塚頭賊棄甲仗軍資于道官軍趨利遂為所乘大潰傳庭乃走入關是役也天大雨糧不至士卒採青柿以食凍且餒故大敗豫人因謂之柿園之敗

冬十一月我

大清兵入薊州連下畿南山東州縣

時關內外並建二督。又設二督于昌平。保定。又有寧遠。永平。順天。保定。密雲。天津。六巡撫。寧遠。山海。中協。西協。昌平。通州。天津。保定。八總兵。星羅碁布。無地不防。而事權反不一。警報至。急徵諸鎮入援。而我

大清兵已克薊州。分道南嚮。河間以南。多失守。至山東。連

下兗州等府。凡攻克八十八城。魯王以派荒王檀十世孫自殺。

樂陵。陽信。東原。安邱等諸郡王皆死。當是時。畿輔山東列城官吏。或望風

遁走。或獻金帛迎降。其死于戰守及紳士之殉節者。畿輔則霸州副使趙輝。督守給事中周而淳。同知丁師義。

鄉官參政李時芳。河間參議趙珽。知府顏允紹。同知姚汝明。知縣陳三接。解職知府傅梅。順德知府吉孔嘉。趙

州知州王端冕。教諭陳廣心。訓導王一統。定州知州唐鈔。阜城知縣呂大成。永清知縣高維岱。典史李時正。教

諭邱養性。鄉官劉維蕙。清豐教諭曹一貞。鄉官郎中李其汜等。山東則臨清總兵官劉源清。權關主事陳興言。

同知路如瀛州判徐應芳吏目陳龍翔鄉官侍郎張宗衡少卿張振秀員外郎邢泰告知縣尹任天津參將賀秉鉞兗州魯府長史俞起蛟副使王維新知府鄧藩錫副總兵丁文明鄉官給事中范淑泰登萊僉事邢國璽萊陽鄉官宋玫沈述臨淄知縣文昌時陽信知縣張予卿滕縣知縣吳良能豐縣知縣劉光先等並附注于此趙璘字黃如河津人周而淳掖縣人丁師義楚雄人趙珽慈谿人顏允紹字廣明曲阜人姚汝明夏縣人陳三接文水人傅梅邢臺人吉孔嘉洋縣人王端冕字服先江陵人陳廣心元城人王一統成安人唐鉉字節玉睢州人高維岱昌邑人劉源清源澤弟路如瀛陵川人徐應芳臨川人陳龍翔蕭山人俞起蛟錢塘人鄧藩錫字晉伯金壇人范淑泰字通也滋陽人邢國璽長葛人文昌時全州人吳良能蓋州人

閏月李自成陷汝寧前總督侍郎楊文岳等死之

自成并合羣賊

先是馬守應稱老猢猻賀一龍稱革裏

養成稱亂世王號革左

五營至是俱歸自成連營五百里再屠南陽進攻汝

寧總兵虎大威中礮死城遂陷文岳被執大罵賊賊縛

之城南。以大礮擊殺之。兵備僉事王世琮。字仲發。達州人。知府

傅汝為。字子宣。江陵人。通判朱國寶。成都人。副將賈悌。參將馮名

聖。汝陽知縣文師頤。全州人。等亦俱不屈死。時河南郡邑

無不殘破。朝廷不復設官。遺黎多結寨自保。大者洛陽

李際遇。汝寧沈萬登。南陽劉洪起兄弟。眾各數萬。諸小

寨附之。或降賊。或受朝命。復互相吞併。中原禍亂。于是

為極。逮明年。帝下詔蠲租赦罪。已不可為矣。

下給事中姜埰。字如農。萊陽人。行人司副熊開元。字魚山。嘉魚人。于錦衣

獄尋遣戍。

先是有造為二十四氣之說。以指朝士二十四人。其言

直達御前。及是。帝適下詔戒諭百官。責言路尤切。埰疑

明季國政曰非訛言競起
往往造為蜚語以搖惑人
心如二十四氣之說浮誕

不經妄為傳播原亦不成
事體至莊烈下書訓戒自
以當時言路翫騰冀以漸
除積習乃義琛妄加揣測
竟敢助過疑君上之心還
憶恣陳詭詞曲詰更乖臣
子立言之體臺諫徒以悻
激沽名倘且無裨國事從
未有任私意以妄度上心
可以謂之抗直者若熊開
元之請見陳言終於調停
塞口更不足供一噓矣

帝已入其說乃上言陛下視言官獨重故責之獨嚴如
聖諭所云代人規卸為人出缺者臣豈敢謂盡無其事
然陛下何所見而云然倘如二十四氣蜚語騰播清禁
此必大奸巨慝欲激至尊之怒藉言官之口將來誰復
為陛下言天下事者臣區區之愚不獨為言官職掌更
為朝廷清治亂之源也是時帝方憂勞天下至默告上
帝戴罪省愆所頒戒諭詞旨痛切而琛顧反覆詰難若
深疑于帝者帝遂大怒曰琛敢詰問詔旨藐玩特甚立
下詔獄考訊而時又有熊開元事開元欲論周延儒屢
請召對及入見延儒同在不敵言一日帝御德政殿秉
燭獨坐開元從輔臣入奏言易稱君不密則失臣臣不

密則失身。請輔臣暫退。延儒等引退。帝不許。帝疑開元意有所爲。詰問者久之。開元但言小臣面奏。而大臣皆在左右。誰敢爲異同之論。以速禍。帝不懌。命之退。延儒等請令補牘。從之。開元本欲盡發延儒罪。以其在側。不敢言。而延儒慮其補牘。陰令吳昌時沮之。昌時開元令吳江時所拔十。及奏上。不更及延儒他事。帝大怒。命錦衣衛逮治衛帥駱養性。開元鄉人也。素怨延儒。令盡發延儒之隱。以聞。帝益怒甚。令養性潛斃。及開元于獄。養性懼商之同官。不敢卽奉命。已而語洩。有奏之帝者。會帝意已漸解。逮。開元至午門。並杖一百。移刑部定罪。已皆遣戍。開元杭州。方垞。開元下獄時。或謂延儒當救。不從。旣而

劉宗周以救二人削籍。徐石麟又以救宗周罷去。延儒竟無一言。

癸十六年春正月李自成陷承天。

自成初無遠圖所得城邑輒焚燬棄去及灌開封敗秦

軍羣賊咸附乃脅崇王由橫

簡王見澤六世孫

使從軍陷荆襄

諸郡殺湘陰王儼鉞

遼王支屬

遂犯承天焚獻陵

陵中有聲震山谷自

成懼

而止巡撫宋一鶴

宛平人

總兵錢中選留守孫壽崇

宣城人

容

副使張鳳翥知府王璣

扶風人

鍾祥令蕭漢

字雲濤南豐人

皆死之徇下旁近州縣自號奉天倡義大元帥稱羅汝

才代天撫民威德大將軍初自成善攻汝才善戰兩人

相須若左右手及是自成兵強士附有專制心顧獨忌

汝才乃召汝才所善賀一龍宴縛之晨以二十騎斬汝才于帳中悉并其衆于是謀以荆襄爲根本攻襄陽曰襄京修襄王宮殿居之僭號新順王又以牛金星言勸設官爵名號置五營二十二將上相左輔右弼六政府有侍郎郎中從事等官要地設防禦使府曰尹州曰牧縣曰令崇王由楨等俱封伯官吏降者並授僞職自成每陷城邑令軍士毋得室處寢興悉用單布幕綿甲堅厚矢礮不能入一兵倖馬三四匹冬則以裊褥藉其蹄剖人腹爲馬槽見人輒鋸牙思噬騰山巔直上水惟憚黃河若淮泗涇渭則萬衆翹足馬背或抱鬣緣尾呼風而渡臨陣列馬三萬各三蹂躪前者返顧後者殺之戰久不勝馬兵佯敗誘官軍步卒長鎗三萬擊刺如飛騎兵回擊無不大勝攻城迎降者不殺守一日殺十之一二二日殺十之七三日屠之凡殺人束屍爲燎謂之打亮城將陷步兵環堞下馬兵巡徼無一人得脫者獻忠雖至殘忍不逮也

二月乙丑朔日食。

夏四月我

大清兵北還。周延儒自請督師。許之。

時

大清兵自山東還至近畿。帝憂甚。大學士吳甦方奉命辦流寇。延儒度不得已。遂自請視師。帝大喜。獎以召虎裴度。賜章服。白金。文綺。上駟。給金帛賞軍。延儒駐通州。不敢戰。惟與幕下客飲酒娛樂。而日騰章奏捷。及

大清兵至懷柔。趙光抃

字彥清。德化人。

合唐通。白廣恩等入鎮兵。

邀戰于螺山。

在懷柔縣北。

皆潰。總兵張登科和應薦敗沒。延

儒偵

大清兵已還。乃言兵退。請下兵部議。將吏功罪。遂歸京師。

五月。以魏藻德

順天通州人。

爲少詹事。兼東閣大學士。預機務。

藻德時官修撰。

庚辰殿試第一。

長于辨說。應對捷給。先是都城。

戒嚴。疏陳兵事。又召對稱旨。帝意其有抱負。遂擢至政府。去釋褐甫四年也。旣入閣。一無建白。但倡議令百官捐助而已。

吳甦罷。

初。帝以襄陽荊州承天連陷。召對廷臣。隕涕謂甦曰。卿向歷巖疆。可往督湖廣師。甦請得精兵三萬。自金陵趨武昌。扼賊南下。帝以所需兵多。猝難得集。南京隔遠。不必退守。甦奏言。左良玉跋扈甚。前督師楊嗣昌九檄徵。

兵一旅不發。臣不如嗣昌。而良玉踞江漢。甚于曩時。臣
節制不行。徒損威重。南京從襄陽順流而下。窺伺甚易。
宜兼顧。非退守也。帝乃令兵部速議發兵。尙書張國維
請以總兵唐通馬科。及京營兵共一萬。畀甝。又言此兵
方北征。俟撤備後。始可調。帝命姑俟之。甝屢請。帝曰。徐
之。撤備則兵自集。卿獨往何益。踰月。周延儒出督師。朝
受命。夕啟行。蔣德璟等譏甝畏賊遲回。而兵部所撥唐
通兵。陳演又以關口不可無備。請留之。甝不得已。以五
月辭朝。先一日。帝猶命中官賜銀牌給賞。越宿。忽下詔
責其逗遛。命輟行入直。甝惶恐引罪。遂許致仕。旣行。陳
演等復搆之。徵至議罪。遣戍金齒。

周延儒罷

延儒自通州回。帝大加獎勞。居數日。掌錦衣衛事。駱養

性。盡發所刺軍中事。

養性本延儒所薦。背延儒與中官結。及是以軍中事與中官並發之。

帝大怒。責延儒蒙蔽推諉。下廷臣察議。延儒席藁待罪。

自請戍邊。帝猶降溫旨。許馳驛歸。

自延儒再相。帝尊禮特重。嘗于歲首日。東

向揖之。曰。朕以天下聽先生。因徧及諸閣臣。然延儒寔庸駑。無他材畧。當邊境喪師。李自成殘掠河南。張獻忠蹂躪楚蜀。天下大亂。延儒一無所謀畫。任其自敗而已。性故貪黷。會張溥已卒。馬世奇以還嫌不至。左右無正言。所信用惟吳昌時。與門下客盛

順。董廷獻輩。因緣為奸利。故敗。

張獻忠陷武昌。沉楚王華奎于江。前文淵閣大學士賀逢

聖等死之。

獻忠方襲陷太湖。聞左良玉避自成東下。盡撤湖廣兵。

自從遂趨陷黃梅。連陷廣濟。蘄州。蘄水。入黃州。黃民盡

逃。乃驅婦女剗城。尋殺之以填塹。又西陷漢陽。武昌。及

旁近屬邑。執楚王華奎。籠而沉諸江。長史徐學顏。字君復。永

康人。參將崔文榮。海寧衛人。俱戰死。逢聖方家居。載家人至墩

子湖。鑿舟沉之。妻危氏。子觀明。光明子。婦曾氏。陳氏。孫三人。皆從死。福王時。追贈逢聖少傅。謚

文忠。賊乃盡殺楚宗室。錄男子二十以下十五以上者為

兵。餘皆殺之。由鸚鵡洲至道士洑。浮觜蔽江。踰月。人脂累寸。魚鱉不可食。鸚鵡洲。道士洑。注俱

見前。獻忠遂僭號。改武昌曰天授府。江夏曰上江縣。據楚

王第。鑄西王之寶。偽設尚書。都督。巡撫等官。開科取士。

下令發楚邸金。賑饑民。蘄黃等二十一州縣悉附。時官紳士

庶死節者。通判李毓英。武昌衛經歷汪文熙。巡檢戴良道及黃岡諸生馮雲路。注。延陞江夏諸生明睿。熊雯。大

治尹如翁嘉魚知縣王良鑑蒲圻知縣曾栻等又巡江都司朱士鼎者城陷被執戟手罵賊賊斷其兩手不死賊退令人縛筆于臂能作楷字招集舊卒訓練如常李毓英固安人王良鑑霍山人曾栻臨川人朱士鼎字玉節休寧人按賀逢聖本朝賜諡忠愍

六月雷震奉先殿

遣官告太廟敕羣臣修省

秋七月京師大疫

自二月至是月死者無算詔釋輕犯發帑療治瘞五城暴骸

八月張獻忠陷湖南諸郡左良玉遂復武昌

獻忠既僭號武昌李自成在襄陽聞之忌且怒貽書譙責會左良玉復西上僞官吏多被擒殺獻忠乃悉衆趨

湖南。于是沔陽、蘄黃、漢陽諸州府皆反正。良玉乃乘間入武昌。立軍府以駐師。獻忠遂陷岳州。欲渡洞庭湖。卜于神不吉。投琰而詢。將渡。風大作。獻忠怒。連巨舟千艘。載婦女焚之。水光夜如晝。騎而逼長沙。巡按劉熙祚

字仲

緝武進人。

奉吉王。

名慈。隆簡王。見浚七世孫。

惠王。

名常潤。

走衡州。長沙。衡州。

繼陷吉王、惠王、桂王。

名常瀛。

俱走永州。獻忠乃拆桂王府

殿材。載至長沙。造偽殿。而自追三王于永。熙祚命中軍

護三王入廣西。身入永死守。城陷見殺。獻忠又陷寶慶

常德。發故督師楊嗣昌祖墓。斬其屍。見血。欲攻辰州。土

司以兵塞辰龍。

關名。在沅陵縣。

乃移攻道州。守備沈至緒戰歿。

其女再戰。奪父屍還。城獲全。遂東犯江西。陷吉安、袁州。

建昌撫州諸府及廣東南韶屬城官民盡逃時賊有獻計取吳越者獻忠忌良玉在不聽乃決策入川中

冬十月李自成寇潼關總督孫傳庭死之遂陷西安延安諸郡

當是時十三家七十二營諸大賊降死殆盡惟自成與張獻忠存而自成在襄陽尤勁議兵所向從事顧君恩言關中山河百二宜先取之建立基業然後旁略三邊資其兵力攻取山西以向京師此上策也自成從之初孫傳庭之敗于柿園而歸也力主固守潼關控扼上游益募壯士繕器積粟置火車三萬輛俟賊間而擊之適關中歲饑苦征繕士大夫日望其出關咸上章催戰帝

亦屢詔趣之。傳庭不得已，率師東出，拔寶豐、唐縣，至郿縣。自成以萬騎迎戰，大敗，幾獲之。會天大雨，道澍，糧車不進。自成遣輕騎出汝州，要截糧道。傳庭乃分軍爲三，令白廣恩從大道，高傑親隨，從間道迎糧。陳永福守營。傳庭旣行，永福兵亦爭發，不可禁，遂爲賊所躡。至南陽，傳庭還戰，賊陣五重，官軍克其三，已而稍却。火車奔，騎兵亦大奔。賊縱鐵騎踐之，傳庭大敗。自成空壁逐利，一日夜踰四百里。官軍死者四萬餘人，失亡兵器輜重數十萬。傳庭奔河北，轉趨潼關。傑、廣恩從之。賊遂至。傑曰：「我軍家屬悉在關中，不如徑入西安，憑堅城固守。」傳庭曰：「賊一入關，則全秦糜沸，秦人尙爲我用乎？不聽。」已而

自成攻關廣恩戰敗傳庭登陴固守賊分兵登山後達

出其背關城遂陷傳庭躍馬揮刀大呼衝入陣與監

軍副使喬遷高定襄人同戰死賊遂陷華陰渭南知縣楊

鄉官尚書南企仲年八十三罵賊不絕口遂遇害企仲

族子尚書居益子主事居業皆被執不屈加炮烙而死

楊暄高平人連破華商商維道黃世清一門遇害其

南居益字思受連破華商僕唐世鳳罵賊不屈死黃

世清字澄臨潼攻西安守將王根子開門降自成入秦

海勝縣人王宮執秦王存樞愍王後授偽官授權將軍如巡撫馮

師孔字若魯以下死者十餘人師孔及按察使黃綱俱

綱自經死長安知縣吳從義指揮崔爾達亦皆赴井死

鄉官都御史焦源博罵賊文解死其兄都御史源清不

屈死僉事王徵絕食死參政祝萬齡投繯死時傳庭妻

張氏在西安率三妾二女同赴井死黃綱字季侯光

祝萬齡

布政使陸之祺

平湖人

等皆降

自成屢陷名城大吏未有降者自之

始

自成

乃改西安曰長安稱西京賜顧君恩女樂一部

賞入關策也大發民修長安城開馳道閱兵渭橋鉦鼓

震天地諸將白廣恩陳永福等皆降

永福以先射中自成目據山巔不敢

下自成折箭為

誓招之乃降惟高傑以竊自成妻故走延安為李過

所追折而東復渡宜川河絕蒲津以守自成兵所至屬

城風靡乃詣米脂祭墓

向為官軍所發焚棄其遺骸自成乃築土封之

改延安

府曰天保府米脂曰天保縣清澗曰天波府鳳翔不下

屠之以偽檄誘降榆林亦不下自成大發兵攻之兵備

副使都任

字宏若

督餉員外郎王家祿

黃岡人

里居總兵

李自世欽尤世威世祿等集眾城守血戰七晝夜婦人

孺子皆發屋瓦擊賊。城陷。無一降者。忠烈為天下最賊。

遂乘勝降寧夏。屠慶陽。韓王稟塔憲王松十世孫被執。副使段

復興字仲芳陽穀人一門死之。知府董琬里居少卿麻禧皆不

屈死。移攻蘭州。巡撫林日瑞字浴元詔安人等亦皆死。同時死

將郭天吉。總兵官馬燝。中軍哈維新。姚世儒。同知藍臺。鄉官羅俊傑。趙官等。進陷西寧。甘肅。

于是三邊皆沒。又遣別將渡河陷平陽。殺宗室三百餘人。帝遣副將熊通往援。通至。降于賊。并

為賊說總兵周遇吉。遇吉斬之。傳首京師。周遇吉錦州衛人。按孫傳庭諡忠靖。尤世威諡忠剛。俱本朝賜。

十一月。以吏部侍郎李建泰曲沃人。副都御史方岳貢穀城人。

並以原官兼東閣大學士。預機務。

建泰先官祭酒。頗著聲望。尋佐吏部。及是黃景昉罷。九月

致仕。命與岳貢俱以本官入直。岳貢以督漕參議召對。故

事閣臣無冠都御史者岳貢一人而已

十二月周延儒以罪逮至賜死

初延儒薦用侯恂

商邱人

范志完督師皆僨事又任選郎

吳昌時交通內侍把持朝局延儒既去山東僉事雷縝

祚

太湖人

劾志完縱兵淫掠御史蔣拱辰劾昌時賊私巨

萬交通中官漏洩機密詞皆連延儒帝親鞠志完昌時

于中左門折昌時脛察其事皆有迹乃下獄論死始有

意誅延儒初薛國觀賜死人皆謂昌時致之其門人魏

藻德新入閣有寵恨昌時甚因與陳演共排延儒駱養

性復騰蜚語帝遂命盡削延儒職遣緹騎逮入京師時

舊輔王應熊被召延儒知帝怒甚宿留道中侯應熊先

入冀爲請。帝知之。應熊旣抵京。命之歸。未幾應熊請老許之。延儒至安置正陽門外古廟。上疏乞哀不許。法司以戍請。同官申救皆不許。及是志完。昌時棄市。勒延儒自盡。籍其家。

和邦臣集

卷之二十三

三

御批歷代通鑑輯覽卷之一百十六

明

莊烈帝

甲申崇禎十七年是年三月流賊陷京師五月福王由我

大清

世祖章皇帝順治元年

臣等謹按歷代史家書法義例攸殊率于歷朝代嬗時意多偏私曲徇進退失宜如

續綱目于元至正十五年後即標元國號大書明年臣等學識凡猥嘗擬崇禎甲申即應仿沿前例欽蒙我

皇上

折衷至義昭示大公

面諭

臣等以崇禎十七年明統猶存仍當大書紀歲即福王稱

號尚可比于宋代建炎之例必俟蕪湖被執始書明亡因以揭萬世之閎綱祛百家之私議辨統系而必存其實垂

法戒而永著為程

睿製

煌煌為自古史臣發凡起例所未有以視春秋謹嚴後先

一揆臣等謹首登卷端用彰

盛美

自是以次編排悉敬遵

御批歷代通鑑輯覽

卷一百十六

明莊烈帝

宸衷筆削。洵非管牖之見。所能仰測。
高深于萬一云。

通鑑輯覽將成司事者舉

通鑑綱目三編之例於甲

申歲欲大書順治元年分

注崇禎十七年於下且凡

勝朝事皆別書明而於李

自成陷京師即繫以明亡

余曰不可夫三編之例非

述續編之例乎續編於元

順帝二十七年即分注明

年元主北奔而繫以元亡

去至正二十八年為洪武

元年且自順帝十五年明

祖起兵之後於凡元政即

別書元以示異雖臣各私

其君之義也而朕實即之

蓋以理責人者必先以理

春正月朔李自成僭號于西安

自成僭稱王

改名

國號順改元永昌追尊其曾祖以下

加諡號以李繼遷為太祖設天佑殿大學士以牛金星

為之增置六政府尚書設弘文館以下等官復五等爵

大封功臣侯劉宗敏以下九人伯劉體純以下七十二

人子三十人男五十五人

草檄傳布遠近有云君非甚暗孤立而場蔽恒多臣盡行

私比黨而公忠絕少又云獄囚累累士無報禮之心征斂重重民有偕亡之痛見者扼腕是日大風

霾黃霧四塞有邱從周者都司吏也長不滿三尺素懷

義憤伺自成出乘醉直至其前戟手罵曰若一貧賤細

民今妄據王府僭稱偽號逆天背理吾見汝屍之萬段

自處天下者天下之天下
非一家之天下也。言悖而
出者亦悖而入。居今之時
貶亡明而尊本朝如明之
於元其誰曰不可。然朕不
爲也。通鑑輯覽之書非一
時之書乃萬世之書於正
統偏安之繫必公必平天
命人心之嚮必嚴必謹且
正編續編既一正其自視
尊大之陋習而顧於本朝
嬪代之際有所偏向是不
有惡於心而貽來世之譏
乎。茲於甲申歲仍命大書
崇禎十七年分書順治元
年以別之。即李自成陷京
師亦不據書明亡而福王
弘光元年亦令分注於下

也。自成大怒立斫殺之。

李建泰白請督師勦賊許之。

帝聞自成僭號大驚召廷臣集議欲親征決戰建泰家

曲沃富于貲請以私財餉軍率師西討帝曰卿若行朕

當倣古推轂禮遂賜建泰敕幸正陽門樓親餞行數里建泰所

乘肩輿忽折衆以爲不祥建泰以宰輔督師兵食並絀所攜止五百

人甫出都聞曲沃已破驚悸稱病日行三十里至定興

吏民閉城不納建泰攻破之笞其長吏抵保定賊鋒已

逼知府何復字見元平度人同知邵宗元字景康陽山人方城守建泰

叩城求入宗元等不許建泰以尙方劍恐之或曰金御

史毓峒保定衛人監軍亟推出視信乃納之遂屯城中

必俟次年福王於江寧被執而後書明亡夫福王設於江南能自立未嘗不可

爲南北朝如宋高宗之例也而奈其日即僭淫以致

天命去而人心失是非開

荆者欲究我兵威而實守

成者自失其神器也若夫

唐王桂王竄竄邊隅苟延

旦夕此正與宋之帝昺帝

昺同例不可仍以正統屬

之用以示萬世守成之主

以工部尙書范景文禮部侍郎邱瑜宜城人並兼東閣大學士預機務

李建泰既出督師景文遂與瑜同入閣輔政帝謂景文

曰朕知卿久今急而用卿恨晚卿尚勉之景文請釋繫

獄張國維郭景昌等帝立從其言李自成漸逼有請帝

南幸者命集議閣中景文言固結人心堅守待援而已

此外非臣所知帝是其言

張獻忠入四川

獻忠自荊州趨蜀陷夔州石砬土官秦良玉馳援兵寡

敗歸

先是秦良玉自夔州敗歸慷慨語其衆曰吾兄弟

不幸至此其敢以餘生事逆賊哉悉召所部約亂有從賊者族無赦乃分兵守四境後賊招土司獨無敢至石

乎

者獻忠至萬縣。水漲留屯三月。已破涪州。進陷佛圖關。

注見前時四川巡撫陳士奇字平人。漳浦人。已謝事。駐重慶。或勸

之去。士奇不可。與副使陳縯字質行。宜興人。知縣

王錫新建人。等竭力拒守。賊穴地轟城。遂陷。士奇等皆被

執。瑞王常浩亦與焉。王避闖賊。自漢中來奔。指揮顧景泣告獻忠

曰。寧殺吾。無害帝子。賊怒。遂害王。并殺景。天忽無雲而

雷者三。賊有震者。獻忠大怒曰。我殺人。何與天事。乃發

巨礮。與天角。而盡殺士奇等。

二月。李自成陷太原。別遣將犯畿南。陷真定。

自成渡河。連破蒲州。汾州。知府侯君招汾陽縣劉必達俱死之。遂陷太原。

執晉王求桂。恭王櫛十世孫。賊脅入北京。後不知所終。巡撫蔡懋德字公虞。崑山人。

本朝賜

等死之

中軍副總兵應時盛與懋德同擊賊

諭忠恪

懋德死

遂與標丁王永魁等自刎官

吏則有布政使趙建極副使毛文炳及妻趙氏妾陳氏

參議蘭剛中僉事畢拱辰知府孫康周同知李一清長

史范志泰副將惠光祚都司張宏業及妻趙氏子英等

皆不屈死應時盛遼東人趙建極河南永寧人毛文

炳鄭州人蘭剛中陵縣人畢拱辰字星伯掖縣人孫康

周字魯佐女邱人池志泰

虞城人張宏業忻州人

世子進攻代州總兵周遇吉力拒食盡退守寧武賊遂

抵固關分兵趨真定檄總督徐標臨清人降標斬其使率

眾拒守真定知府邱茂華與中軍謝加福害之以城降

賊攻彰德趙王常洵亦降

下詔罪已

發帑金五千治守具詔天下勤王左都御史李邦華請

莊烈手除逆薨官之惡

固所稔知而始終不免於
徧徇甚至軍旅大事亦令
參預如高起潛等喪師辱
國嫉妬冒功前既縱惡已
甚卽寇氛日迫亦半由其
撓權掣肘敗壞封疆又豈
可終任刑餘以資捍衛乃
富危急存亡之會而外則
各邊監視內則乘城守陴
復悉委之宦侍未幾而鳴
騶出迎接踵迎降富貴固
在之言若輩固甘心賣國
狗彘不如而莊烈盡惡滋
深貼危不悟可嘆亦可恨
也

南遷及太子撫軍江南皆不報賊勢急復遣內臣高起
潛杜勲等分監邊鎮及近畿要害

陳演罷

演在閣一無籌畫惟以賄聞賊入山西薊遼總督王永
吉請移寧遠總兵吳三桂于關門選士卒策應京師演
持不可後帝決計行之演始不自安引疾求罷入辭自
言佐理無狀當死帝怒曰汝死不足蔽辜以之出演貲
多不能遽行遂留京師

李自成陷寧武關總兵官周遇吉力戰死之

初遇吉駐代州憑城固守食盡退守寧武賊踵至大呼
五日不降卽屠遇吉發大礮殺賊萬人設伏城中誘賊

入復殺數千人。城毀復完者再。自成悉力攻破之。遇吉巷戰。徒步跳盪。手殺數十人。矢集如蝟毛。被執罵賊死。諡忠武。遇吉妻劉氏率婦女登屋射賊。賊縱火焚之。闔家俱死。城中士民無降者。自成集衆計曰。此去歷大同陽和宣府居庸。皆有重兵。倘盡如寧武奈何。不如且還。俟再舉。而大同總兵姜瓖宣府總兵王承允降表相繼至。自成大喜。遂長驅而東。

三月大同總兵官姜瓖宣府監視太監杜勳俱降于李自成。

自成將至大同。巡撫衛景瑗。字仲玉。韓城人。不知瓖已降賊。歆血要與共守。瓖布訖言。謂巡撫秦人將應賊。代王果疑。

之不與相見。及自成至，環開門迎降。自成殺代王傅燾。

簡王桂宗室殆盡。景瑗被執，自成欲官之。景瑗據地，以

頭觸階石，血淋漓，尋自縊死。賊嘆為忠臣而去。分巡副使朱家

仕。盡驅妻妾子女入井，而已從之。一家死者十六人。督

儲郎中徐有聲，山陰知縣李倬亦死之。朱家仕河州

人。徐有聲，金壇人。李倬，陝西人。至宣府，杜勳、蟒玉、鳴騶郊迎三十里外。

巡撫朱之馮。字樂三，大興人。登城誓守，將士皆散走。嘿無應者。

之馮撫膺嘆曰：「不意人心至此！」俄賊入城。之馮南向叩

頭，縊死城樓下。同時死難者：督糧通判朱敏泰、諸生姚

兵宮董用文、副將劉九卿及里居知縣申以孝並不屈死。其他婦女死義者十餘人。

蔣德璟罷。

李建泰自保定疏請南遷。帝召廷臣于平臺，諭曰：「國君

死社稷。朕將焉往。德璟與少詹事項煜請命太子往江南。帝不答。給事中光時亨追論練餉之害。德璟擬旨。有向來小人倡為練餉。致民窮禍結等語。帝不悅。責其朋比罷之。德璟移寓外城。無何。都城陷。得逸去。而李建泰府何復。同知邵宗元。御史金毓峒。及中官方正化。鄉官張羅俊等。皆不屈死。建泰竟降賊。封總兵官吳三桂。唐通。左良玉。黃得功。俱為伯。李自成犯居庸。守將唐通。太監杜之秩。以關降。

通先以兵入衛。命與杜之秩同守居庸。已而自成至。通與之秩俱降。賊遂入關。陷昌平。焚十二陵。總兵官李守鐸力戰死。始自成欲知京師虛實。往往遣其徒輦重貲。賈販都市。又令充部院掾吏。探刺機密。朝廷有謀議。下

里立馳報。及是昌平已陷。兵部發騎偵探。輒被勾去。無一還者。賊遊騎至平則門。都人猶未知也。帝召問羣臣。莫對。有泣者。頃之。賊環攻九門。門外先設三大營。賊至悉降。守陴者寥寥。益以內侍。內侍專守城事。百司皆不敢問。丙午。十八日。自成設座彰義門外。降賊太監杜勲。呼城上人請入城見帝。監視太監曹化淳等縋之入內。勲盛稱賊勢。請帝自爲計。帝怒叱之出。手書親征詔。召駙馬都尉鞏永固。字洪圖。宛平人。尙光宗女樂安公主。以家丁護太子南行。永固叩頭曰。親臣不藏甲。臣安敢有家丁。相向涕泣而已。

京師陷。帝崩于煤山。

杜勲既叱出曹化淳等復縋之下城勲顧謂曰吾輩富貴固在也及日晡化淳遂啟彰義門賊盡入帝出宮登煤山望見烽火徹天嘆息曰苦我民耳徘徊久之還宮

命分送太子永定二王于周奎田宏遇

陝西人田貴妃父時貴妃已卒

第以劒斫長平公主嘆曰汝何故生我家

太子投奎家不得入匿侍

奄外舍後為奄獻于自成

永定二王亦被執皆不屈自成羈之宮中尋封太子為宋王挾之西去不知所終長

平公主絕而復甦至

本朝順治二年命前所選駙馬周顯復尙故主土田邸第給予有加主涕泣逾年病卒

趣皇后自盡后即承旨自經又斫殺妃嬪數人翌日昧

爽內城亦陷鳴鐘集百官無至者帝乃復登煤山書衣

襟為遺詔曰朕京德藐躬上千天咎致逆賊直逼京師

皆諸臣誤朕朕死無面目見祖宗自去冠冕以髮覆面

任賊分裂無傷百姓一人以帛自縊于山亭遂崩太監

王承恩縊于側李自成種笠縹衣乘烏駁馬入承天門

偽丞相牛金星尙書宋企郊乾州人。以吏部員外郎家居降賊。等騎而

從登皇極殿下令大索帝后期百官三日朝見已知帝

后崩自成命以宮扉載出盛柳棺置東華門外百姓過

者皆掩泣尋遷殯昌平州之土民率錢募夫葬之田妃墓內斬蓬蒿而封之。一切簡率。

在鹿馬山妃時羣臣殉難者文臣則大學士范景文景文前卒。葬此。

趨至宮門遇宮人曰駕出矣復趨朝房賊已塞道從者

請易服還邸景文曰駕出安歸赴雙塔寺旁古井死其

妾聞之即自經死本朝賜諡文忠。尙書倪元璐元璐聞難北向拜父南

殉節者十三人左都御史李邦華邦華走文丞相祠

國作絕命詞自經死協理京營兵部右侍郎王家彥城陷

家彥

向闕叩頭投城下不死

縊于民舍而絕

刑部右侍

郎孟兆祥

兆祥奉命守正陽門賊至自縊門下子進士

日並縊

本朝賜兆祥諡忠靖章

左副都御史施邦曜

明諡貞孝

兆祥字允言交河人

邦曜聞城陷自縊僕解之復蘇邦曜叱曰若知大義毋

阻我死遂仰藥而絕

本朝賜諡忠愍

邦曜字爾韜

餘姚人

大理寺卿凌義渠

乃取平生所閱書盡焚之曰無

被賊手汙也服緋正笏向闕拜

復南向稽首作書辭父

闔戶自經本朝賜諡忠介義渠字駿甫烏程人

太常少卿吳麟徵

麟徵奉命守西直門賊詐為勤王兵

塞其門募死士縊城襲擊多所斬獲及城陷入道旁祠

作書訣家人自經死

本朝賜諡忠肅

麟徵字聖生

海鹽人

右庶子周鳳翔

都城陷或有傳帝南幸者鳳翔趨

成方據御座鳳翔至殿前大哭急從左掖門出賊亦不

問歸至邸作書辭二親題詩壁間自經死

本朝賜諡

文忠

鳳翔字

左諭德馬世奇

儀伯山陰人

城陷世奇方早食投筯

起問帝安在或言已出

城。明日。知帝崩。東宮二王被執。作書別母。肅衣冠。捧所

署。司經局。望闕再拜。自經。妾李氏。朱氏。並先縊死。

本朝賜諡文肅。左中允劉理順。城陷。理順與妻萬氏。妾李氏。子

羣。盜多中州人。聞其死。入唁曰。此吾鄉之劉狀元也。居

鄉多厚德。何遽死。羅拜號泣而去。本朝賜諡文烈。

理順。字復檢。討汪偉。京城陷。偉語繼妻耿氏。善撫幼子。

禮。杞縣人。檢討汪偉。耿泣曰。我獨不能從公死乎。因以

幼子屬其弟。衣新衣。上下縫引刀自刎。到不殊。復投繯而

絕。偉欣然曰。是成吾志。移其屍于堂。拔筆書于壁曰。日

講官翰林院檢討汪偉。同繼妻耿氏死節處。乃太僕寺

自經。本朝賜諡文毅。偉字叔度。休寧人。

丞申佳允。佳允出近畿。閱馬。聞李自成破居庸關。流涕

吾受國恩。常以死報。城陷。冠帶辭母。策馬至王恭廠。將

投井。從者持之下馬。旁見權陞巨井。急躍入。僕號呼。欲

出之。佳允亦呼曰。告太安人。有子作忠臣。勿過傷。給事

也。遂死。本朝賜諡端愍。佳允字孔嘉。永年人。

中吳甘來。甘來聞變。疾走皇城。不得入。返作絕命詞。盡

取疏草焚之。曰。賊寇縱橫。徒持議論。無益毫

末。留之罪彌大。正衣冠北向拜。投繯死。本

朝賜諡莊介。甘來字受和。江西新昌人。

御史王章

章與給事中光時亨守阜成門賊入城時亨要章走俄賊突至疾呼下馬時亨倉皇下跪乞降章罵賊不顧賊攢槊刺死本朝賜諡節陳良謨良謨母老已未有子

之曰吾且死汝幸妊身急歸父母家時泣曰公殉國妾不當殉公耶倘不幸有他不如無子良謨曰能如是乎時乃先就縊既死良謨整衣冠望闕拜亦自縊

本朝賜諡恭潔良謨字士亮鄞人時氏京師人陳純德奉命督學畿輔因賊警還都及城陷勵哭作書別父母遂自經福王時諡恭節純德字靜生零陵人

趙譔巡視中城城兵部郎中成德德聞帝崩勵哭持雞流血賊露刃脅之不為動莫畢歸家有妹年二十餘因家難未嫁德顧之曰我死汝何依妹請先死德稱善哭而視其縊繼室霍氏請繼之德痛不及視入別其母哭盡哀出而自縊母見子女及子婦皆死亦投環死闔門死難

本朝賜諡介愍郎中周之茂需次都下賊搜得德字元升霍州人郎中周之茂之不屈被害

茂字松如吏部員外郎許直直聞帝崩一慟幾絕客以黃麻人吏部員外郎許直七十老父為解直曰不死

辱及所生乃作書寄父賦絕命詩六章闔戶自經死本朝賜諡忠愍字魯若如阜人兵部員

外郎金鉉

鉉巡視皇城。京師陷。慟哭。急趨入朝。見宮人

河從者力挽之。

鉉怒。奮臂躍入死。母章妻王弟錄並同日死。太朝賜諡忠潔。

之大

員外郎密丞烈

管太倉銀庫。城陷。自經于官。中書

宋天顯

被執自經。

天

光祿寺署丞于騰雲

賊至。語其妻曰。我為

朝臣。汝亦命婦。不可汙賊。

大婦並

兵馬司指揮姚成

城陷。自經。

自經。

成字

知州馬象乾

京師賊入。率妻。凡數十人。

又布衣湯文瓊者。

慟哭。自殺。書其衣曰。位非文丞。

相之位。心則文丞。

賊徒見者。皆歎其忠。勲戚

則宣城伯衛時春

時春掌後府。京師陷。懷鐵券。闔門十

七人。皆赴井死。

惠安伯張慶臻

都城陷。慶臻召親黨。盡散貲財。

新城侯

新樂侯劉文炳

王國興

城陷。自焚死。

國興。熹宗

新樂侯劉文炳

以孝

純皇太后弟子。

嗣封侯。太后帝生母也。

文炳素與太學。生申湛然。布衣黃尼麓。講明忠義。賊攻西直門。勢益急。

尼麓踉蹌告文炳。宜自爲計。時太后母瀛國太夫人尙在。文炳與其母杜氏計。太夫人篤老。不可俱盡。請匿之。湛然家。杜氏曰。太夫人得所。我與若妻妹俱死耳。外城陷。文炳馳至崇文門。殺賊數十人。馳歸第。母妻及其妹已俱縊死。家人共焚樓。火烈不得入。至後園。與叔繼祖俱投井死。弟文耀守外城。城破奔還。覓文炳死所。大書版井旁曰。左都督劉文耀同兄文炳畢命報國處。亦投井死。闔門死者四十二人。而湛然以匿瀛國太夫人爲賊拷掠。終不言。體糜爛以死。劉文炳字駙馬都尉。鞏淇鈞宛平人。申湛然。黃尼麓亦俱宛平人。駙馬都尉鞏永固。都城陷時。公主已薨。未葬。永固以黃繩縛子女五人繫樞旁。曰。此帝甥。不可汙賊手。舉劒自刎。闔室焚死。福王及錦衣衛指揮同知李若珪。賊陷。作絕命時諡貞愍。

戶高文采

一家十七人皆自殺

等皆同時死

宮人魏氏臨御河大呼曰有志者當自爲

計。遂投河死。頃刻間從死者一二百人。又有宮人費氏者。自投皆井中。賊鋤出。見其姿容。爭奪之。費紿曰。我長公主也。羣賊不敢逼。雖見自成。自成命。中官審視。非是以賞部將羅某。費復紿羅曰。我實天潢義難苟合。將軍宜擇吉成禮。羅喜。置酒極歡。費懷利刃。俟羅醉。斷其喉立死。因自詫曰。我一弱女子。殺一賊帥。足矣。遂自刎。自

成聞大驚令收葬之。越三日己酉昧爽。成國公朱純臣能七世孫大學

士魏藻德陳演等率百官入賀。演首勸進。自成不許。大

改官制。

六部曰六政府。司官曰從事。六科曰諫議。十三道曰直指使。翰林院曰弘文館。巡撫曰節度使。

其餘改者甚多。

召見朝官。以大僚多誤國。槩囚繫之。庶官則或

用或否。

用者下吏政府銓除。不用者榜掠取貨。繫絀臣藻德演及諸勲戚

大臣等悉付劉宗敏營。

宗敏其子也。家人泣曰。我拷不能爲若生。今求死不得矣。拷

掠責賕賂。至灼肉折脛。備諸慘毒。金足輒殺之。是時畿

內府州縣俱降。山東河南亦多附。自成謂真得天命。令

牛金星等撰登極儀。諏吉日。及自成升座。忽若有神人

擊之者。座下龍瓜鬣俱動。自成恐。亟下。鑄金璽及永昌

錢皆不就。聞山海關吳三桂兵起。益大沮喪。謀歸西安。

夏四月我

大清兵破李自成于山海關。自成奔還京師。僭號于武英殿。遂奔山西。

初吳三桂奉詔入援。至山海關。聞京師陷。猶豫不進。自成執其父襄。令作書招之。三桂欲降。至灤州。聞愛姬陳沅被劉宗敏掠去。憤甚。疾歸山海。襲破賊將自成怒。親部賊十餘萬。執吳襄于軍。東攻山海關。以別將從一片石。關名在永平府撫寧縣東北。越關外。三桂懼。乞降于我。

大清求其討賊。時統兵睿親王師次翁後。得三桂書。即遣

使報之。

大略言。聞明崇禎帝。滅于流賊。不勝髮指。故率仁義之師。沉舟破釜。誓不返旌。期必滅賊。出民水火。伯遣使致書。深為喜悅。若率眾來歸。必封以故土。晉為藩王。國讐可報。身家可保。

三桂復請

速進兵。遂疾馳至沙河。三桂報賊已出邊。立寨柵。

大軍迎擊之。敗賊將唐通于一片石。至山海關。三桂開關出迎我。

大清令三桂兵繫白布爲識。使之先驅。遂入關。時賊衆皆多歷戰陣。殊剽悍。陣于關內。自北山亘海。

大軍布陣。不能橫及海岸。乃令軍士鱗次布列。對賊陣尾。伺其氣衰。奮擊之。且戒勿越伍躁進。違節制。陣旣列。三桂居右翼之末。先悉其衆搏戰。賊力鬪。圍開復合。戰良久。

大軍從三桂陣右突出。衝賊中堅。萬馬奔騰。飛矢雨墮。天大風。沙石飛走。擊賊如雹。自成方登高岡。觀戰。知爲

大清兵急策馬下岡走。賊衆大潰。自相殘踏。死者無算。僵屍遍野。溝水盡赤。自成奔永平。

大軍追之。三桂先驅至永平。自成殺吳襄。走還京師。時牛

居守。諸降人往謁。執門生禮甚恭。金星曰。訛言乃悉鎔方起。諸君宜簡出。由是降者始懼。多竄伏矣。

所拷索金及宮中帑藏器皿鑄爲餅。每餅千金。約數萬

餅。騾車載歸西安。二十九日。僭帝號于武英殿。追尊七

代皆爲帝后。立妻高氏爲皇后。自成被冠冕。列仗受朝。

金星代行郊天禮。是夕。焚宮殿及九門城樓。詰旦。挾太

子二王西走。而使僞將軍左光先。谷可成爲後衛。自成

瑞悉取其金玉珠寶及出宮。令羣賊各執守城。自楊杖逐之。不分貴賤。皆號泣徒跣。敗面流血。走出京城門外。

五月

大軍定京師。

自成既西奔。我

大軍所至。諭以定亂安民。共享太平之意。百姓竄匿山谷者。悉還鄉里。迎降恐後。遂整兵入京城。故明諸臣。迎于五里外。下令安輯百姓。民間安堵如故。命以禮改葬崇禎帝后。建碑亭殿廡。悉如典制。並葬帝妃袁氏兩公主。及熹宗后張氏。神宗妃劉氏。皆如禮。令臣民服喪三日。尋議加諡曰莊烈愍皇帝。陵曰思陵。

明史贊曰。帝承神熹之後。慨然有爲。沉機獨斷。刈除奸逆。天下想望治平。惜乎大勢已傾。積習難挽。在廷則門戶糾紛。疆場則將驕卒惰。兵荒四告。流寇蔓延。遂至潰爛而莫可救。可謂不幸也已。然在位十有七年。不遑聲色憂勤。惕厲殫心治理。而用匪其人。益以饋事。乃復信任宦官。布列要地。舉措失當。制置乖方。祚訖運移。身罹

通鑑綱目於元順帝至
正十五年明太祖起兵之
後即書元以去其正統此
大不可者至崇禎甲申以
後本朝已定鼎燕京而福
王雖偏安江南亦即逾歲
被執明亡則甲申五月以
後乙酉五月以前明之正
統雖未亡而明之偏安已
不保故用元順帝十五年
以後之例書明以別之然
固不知續綱目之左和也

禍變豈非氣數使然哉。迨至大命有歸，妖氣盡掃，而帝
得加謚建陵，典禮優厚，是則
聖朝盛德，度越千古，亦可以知帝之蒙
難而不辱其身，為亡國之義烈矣。

明兵部尚書史可法等奉福王由崧。神宗孫福恭王常洵
長子。初封德昌王。崇

禎十六年。監國于南京。

北都既陷，莊烈帝殉社稷。四月己巳，報至南京，人心惶

懼。時參贊機務兵部尚書史可法方督師勤王，在浦口。

諸大臣議立君，而福王由崧與潞王常淂。穆宗孫潞簡
王翊鏐之子。

俱以避賊至淮安。倫序當屬福王，諸臣慮福王立，或追

怨妖書及挺擊移宮等案，潞王立則無後患，且可邀功。

陰主之者，廢稽禮部侍郎錢謙益及郎中周鏞。字仲馴，
金壇人。

僉事雷縯祚。注見前。力持其議者，兵部侍郎呂大器。字儼
若，遂

寧人。而右都御史張愼言。字金銘。陽城人。詹事姜曰廣。字居之。新建人。皆

然之。移牒可法。大略言。福王倫序當立。而有七不可。貪淫。酗酒。不孝。虐下。不讀書。干預有司也。

潞王。神宗之姪。賢明當立。可法遂還南京。而鳳陽總督馬士英。利福

王昏庸。欲立之。密與操江誠意伯劉孔昭。基之十世孫。總兵

高傑。劉澤清。黃得功。劉良佐等結。而致書于可法。可法

意未決。甲申。守備南京魏國公徐宏基。達之十世孫。等。戶部

尚書高宏圖。字研文。膠州人。等。南京守備太監韓贊周等。集議

于朝。大器署禮兵二部印。不肯下筆。吏科給事中李沾

松江華亭人。厲聲言。今日有異議者。死之。孔昭亦面斥大器。

而士英握兵于外。與諸將送福王至儀真。連營江北。勢

甚張。可法不得已。乃以福王名告廟。時文武官俱集內官宅。韓贊周令各

署名籍姜曰廣曰無忽遽請祭告奉先殿而後行明日

至奉先殿諸勲臣詣侵史可法曰廣阿之于是羣小咸

目。乙酉迎王于江浦丁亥百官迎見于龍江關。在江寧縣

西儀鳳門外。王素服角帶哭五月戊子朔王謁孝陵奉先殿

出居內守備府羣臣入朝王色赧欲避可法曰王毋避

宜正受既朝議戰守可法曰王宜素服郊次發師北征

示天下以必報讐之義王唯唯明日再朝出議監國事

張慎言曰國虛無人可遂卽大位可法曰太子存亡未

卜倘南來若何劉孔昭曰今日既定誰敢復更可法曰

徐之乃退又明日王監國

明福王以史可法高宏圖姜曰廣王鐸。孟津人。竝爲東閣大

學士入閣辦事馬士英爲東閣大學士仍總督鳳陽等處

軍務

時廷推閣臣劉孔昭攘臂欲並列衆以勲臣無入閣例
遏之孔昭勃然曰卽我不可馬士英何不可乃并推士
英又議起廢競舉鄭三俊劉宗周徐石麒孔昭舉阮大
鍼可法曰先帝欽定逆案毋復言越二日拜可法宏圖
士英竝爲大學士可法仍掌兵部事士英仍督師鳳陽
姜曰廣先以曾有異議不用及再推詞臣乃以曰廣及
王鐸等名上遂與鐸並命又以張慎言爲吏部尙書起
劉宗周爲左都御史宗周聞京師陷方召募義旅討賊未發而福王立遂起故官徐
石麒爲右都御史尋收吏部尙書兵部尙書張國維以原官回
部協理京營戎政莊烈帝令國維赴江浙督餉出都十日而城陷至是召還餘皆遷

擢有差。

明福王稱帝于南京。以史可法督師江北。召馬士英入閣辦事。

史可法定京營制。如北都故事。侍衛及錦衣衛諸軍。悉入伍操練。錦衣東西兩司房。及南北兩鎮撫司官。不備設。以杜告密。安人心。時馬士英旦夕冀入相。及督師鳳陽命下。大怒。以可法所與士英七不可書。奏之王。且令高傑等疏趣可法視師。而自擁兵入覲。拜表即行。可法遂請督師出鎮淮揚。王命以便宜行事。各鎮竝聽節制。十五日壬寅。王稱帝于南京。癸卯。士英即入閣佐理。仍掌兵部尚書事。乙巳。可法陛辭。請以總兵劉肇基

字鼎維。遼寧人。

東人于永綬李棲鳳卜從善金聲桓字虎夫遼東衛人等隨征從

之。可法敗行。卽遣使訪崇禎帝后梓宮及太子二王所在。復奉命祭告泗鳳二陵。祭畢。上疏言。鳳泗境中蒿萊滿目。陛下見之。當益悲憤。願慎終如始。戰兢惕厲。無時怠荒。二祖列宗。必默佑中興。若不思遠略。威斷不靈。東南一隅。未可保也。王嘉答之。時李自成棄京師西走。青州諸郡縣並殺偽官。據城自保。未知南都擁立事。可法請速頒監國登極二詔。慰山東河北軍民心。開禮賢館。招四方才智。下僚有才被棄者。亦悉舉任用之。以監紀推官應廷吉領其事。幕府稱得人。

明分淮揚鳳廬爲四鎮。以黃得功劉良佐劉澤清高傑領之。

時議分江北爲四鎮。劉澤清轄淮海。駐淮北。經理山東一路。高傑轄徐泗。駐泗水。經理開歸一路。劉良佐轄鳳壽。駐臨淮。經理陳杞一路。黃得功轄滁和。駐廬州。經理

四顧中惟黃得功猶具勇
敢模誠之氣。蘇湖身殉始
終。殊有足觀。若高傑攻城
掠民。實為閭而行同寇賊。
以史可法之鋒鋒倭倭為
其素所心憚。正當乘此變
色汗背時。一登昇切責
折其驕蹇之萌。且爾時三
鎮雖然。然亦無狀未
敢遽行稱亂也。乃一意坦
懷相與。不惟不知感恩。轉
令心生易視。良由明季陋
習。專尚調停。推其末流。賢
者不免彼萬元吉之齎金
出犒。庸博遷官。又無論矣。
語云。一木難支。况大厦已

光固一路。仍進得功靖南侯。封傑與平伯。澤清東平伯。

良佐廣昌伯。時得功澤清傑爭欲駐揚州。傑先至。固欲

入城。揚州民畏傑不納。傑攻城急。日掠村廂婦女。民益

惡之。知府馬鳴騷襄城人推官湯來賀南鹽人堅守月餘。進

鄭元勳家城中。身詣傑營。責以大義。傑頗感悟。為募兵

五里外。城西北得暫啟門以通薪。而守城者負約。數以

矢石中傑。兵傑復進。揚人競疑。元勳知不可攻。意稍

怠。而澤清亦大掠淮上。臨淮不納。良佐軍亦被攻。王命

可法往解。得功良佐澤清皆聽命。乃詣傑。傑素憚可法。

夜掘坎十百。埋暴骸。旦日謁可法帳中。詞色俱變。汗浹

背。可法坦懷待之。接偏裨以溫語。傑大喜過望。然傑亦

自是易可法。用已甲士防衛。又檄必取視而後行。可法

傾之後肩有其平

夷然爲具疏屯其衆于瓜洲。傑又大喜。可法乃開府揚

州。職方主事萬元吉請奉詔宣諭四鎮。且發萬金犒高傑。令保江淮。乃渡江。詣諸將營。約共獎王室。諸將嫌

漸解。廷議以元吉能輯諸鎮。擢太僕少卿。監視江北軍務。

明進封左良玉爲寧南侯。

先是。莊烈帝詔封良玉寧南伯。許功成世守武昌。命給

事中左懋第

字蘿石。萊陽人。

便道督戰。

事在是年正月。

良玉乃條日月

進兵狀以聞。疏入。未奉旨。而京師陷。福王立。詔至。其部

下有異議。不欲開讀。巡撫何騰蛟

字雲從。黎平衛人。

急詣良玉

所爭之。而良玉已從正紀

良玉所置官名。

盧鼎言。開讀如禮。諸

將尙洶洶。欲引兵東下。良玉慟哭不許。盡出所藏金銀

綵物。散之諸將。曰。此皆先帝賜也。受國厚恩。禍變至此。

良玉何心獨有之乎。于是諸將噉然皆哭。副將馬士秀奮曰。有不奉公令。復言東下者。吾擊之。以巨艦置礮斷江。衆乃定。會王命進良玉爵爲侯。廕一子錦衣千戶。以上流之事。專委良玉。制書到楚。而良玉賀表亦至。時李自成敗于關門。良玉得以其間。稍復楚西境之荊州。德安。承天。而騰蛟。及總督袁繼咸字季通。宜春人。居江西。皆與良玉善。南都倚爲屏蔽。良玉兵八十萬。號百萬。前五營爲親軍。後五營爲降軍。每春秋肄兵武昌諸山。一山幟一色。山谷爲滿軍。法用兩人夾馬馳。日過對馬足動地。殷如雷。聲聞數里。諸鎮兵惟高傑最強。不及良玉遠甚。然良玉自朱仙與之敗。精銳略盡。其後歸者多烏合。軍容雖壯。法令不嚴。相攝。而是時良玉亦老且病。無出兵意矣。

明分置應天。蘇松巡撫。

以左懋第為應天安徽巡撫。祁彪佳字宏吉，浙江山陰人。為蘇松

巡撫。時蘇州諸生檄討其鄉官從賊者，奸民和之。少詹

事項煜及大理寺正錢位坤、通政司參議宋學顯吳縣人。

禮部員外郎湯有慶長洲人。之家皆被焚劫。常熟又焚給

事中時敏家。彪佳請議從逆諸臣罪，而治焚掠之徒以

加等從之。時高傑駐瓜洲，跋扈甚。彪佳尅期往會，至期

風大作，傑意彪佳必無來。彪佳攜數卒衝風渡。傑大駭異，盡撤兵衛。會彪佳于大觀樓。彪佳披肝膈

勉以忠義，共獎王室。傑感歎曰：「傑聞人多矣，如公，傑甘為死。」公一日在吳，傑一日遵公約矣，共飯而別。

明以忻城伯趙之龍永樂功臣，薨八世孫。總督京營戎政。

明淮揚巡撫路振飛字見白，曲周人。擊賊黨董學禮于宿遷，走之。

先是，流賊陷山西，振飛遣將十七人分道防河，由徐泗

宿遷至安東沐陽。且團練鄉兵。犒以牛酒。得兩淮間勁

卒數萬。至是河南副使呂弼周鄒平人為賊節度使。進逼

淮上。進士武愔涇陽人

為賊防禦使。招撫徐沛。而賊所遣

偽制將軍董學禮等。據宿遷。振飛擊擒弼周。愔走學禮。

竿弼周法場命軍士人射三矢乃解桀之。會馬士英欲

用所親田仰廬陵人

為淮揚巡撫。

乃罷振飛。振飛亦遭母

喪。無家可歸。遂流寓蘇州。

振飛在淮安與巡按御史王變頗號召義士同心戮力自

振飛既去王變亦陞右僉都御史巡撫山東而劉澤清

來居淮城威福自擅散遣義士其桀驁者籍之部下刈

掠村落一空又大興土木造宅壯麗僭擬皇居與田仰

日肆歡飲士民憤怨時山東郡縣已歸我

大清王變亦不能往。

但遂巡河上而已。
六月明追上崇禎帝后諡號

命諡崇禎帝曰烈皇帝。廟號思宗。趙之胤欲傾高宏圖以思非美諡上疏糾

駁尋改日毅宗。周后曰孝節皇后。又追諡其祖母鄭貴妃曰孝

寧太后。考福恭王曰恭皇帝。尋改諡孝皇帝尊其上嫡

母鄒氏尊號曰恪貞仁壽皇太后。時太僕少卿萬元吉請修建文實錄復其

尊稱并還懿文追尊故號祀之寢園以建文配而速褒靖難死事諸臣以作忠義之氣命從之乃追復懿文太

子廟號追諡建文帝曰惠宗讓皇帝復封其弟允熈等為王并上景帝廟號曰代宗改諡孝宗張后曰孝成皇

后方孝孺等皆為贈諡立祠又聞崇禎太子及永定二王皆為李自成所害乃追諡太子曰獻愍定王曰哀永

悼

明召阮大鍼陛見。

大鍼名掛逆案失職久廢崇禎末以避流賊居南京頗

招納遊俠為談兵說劍覬以邊才召無錫顧杲吳縣楊

廷樞等皆復社中名士。方聚講南京。惡大鉞甚。作留都防亂揭。逐之。大鉞懼。乃閉門謝客。獨與馬士英深相結。福王既立。士英秉政。招權罔利。日事報復。時高宏圖。姜曰廣。張慎言等。皆以宿德在位。將以次引海內人望。而士英必欲起大鉞。因薦大鉞知兵。初。大鉞在南京與守備太監韓贊周暱。及北都既陷。中官悉南奔。大鉞因贊周遍結之。爲羣奄言東林當日所以危貴。妃福王者。以潛傾史可法等。羣奄更極口稱大鉞才。士英亦言大鉞從山中致書。與定策謀。爲白其附璫贊導無實跡。遂命大鉞冠帶陞見。大鉞乃上守江策。陳三要兩合十四隙疏。并自白孤忠被陷。痛詆孫慎行。魏大中。左光斗。且指

大中為大逆。于是大學士姜曰廣侍郎呂大器懷遠侯

常延齡

開平王遇春十一世孫

等並言大鉞逆案巨魁不可召給

事中羅萬象應天府丞郭維經

字六修江西南龍泉人

大理寺丞詹

兆恒

字月如廣信永豐人

亦各言逆案不可

翻

兆恒疏畧言先皇手定逆案芟刈羣

凶第一美政。今者大讐未報。乃忽召大鉞還之冠帶。豈不上傷先帝靈。下短忠義氣哉。疏奏。命取逆案進覽。兆

恒即上進。而士英亦以是日進三朝要典。乃切責萬象等。弘圖復請下九卿

會議亦不聽。

明吏部尙書張慎言罷。

時大起廢籍。慎言薦前大學士吳甡。前尙書鄭三俊。王

命召甡陛見。一日朝罷。誠意伯劉孔昭忻城伯趙之龍

羣詣于廷。指慎言及甡為奸邪。叱咤徹殿陛。給事中羅

萬象言慎言平生具在。姓素有清望。安得指爲奸邪。孔昭等伏地痛哭。謂慎言舉用文臣。不及武臣。鬯爭不已。孔昭至欲手刃慎言。韓贊周呵之。乃止。旣退。又疏劾慎言。極詆三俊。且謂慎言當迎立時。阻難懷二心。乞寢姓。陛見命。且議慎言欺蔽罪。慎言疏辨。因乞休。時兩解之。萬象又言。首膺封爵者。四鎮也。新收京營。又加二鎮。何嘗不用武。年來封疆之法。先帝多寬武臣。武臣報先帝者。安在。祖制以票擬歸閣臣。參駁歸言官。不聞委勲臣以糾劾也。使勲臣得兼糾劾。文臣可勝逐哉。史可法奏。慎言疏薦無不當。諸臣痛哭喧呼。滅絕法紀。恐驕并悍卒。益輕朝廷。御史王孫蕃言。用人吏部職掌。奈何廷辱冢宰。宏圖等亦以不能戢和文武。各疏請罷。俱不允。而

吳甦亦竟不復召。慎言乃再疏乞休。遂許其請。且諭之曰。晉疆未復。卿已無家可歸。沿途僑寓。需召。慎言遂去。

寓蕪湖宣城間。

至國亡後疽發于背。戒勿藥卒。

明總兵劉澤清入朝于南京。吏部侍郎呂大器罷。

先是諸臣議擁立時。大器主錢謙益。雷縉祚言。欲立潞

王。

事具前。

及馬士英等推戴福王。因遷大器吏部左侍郎。

大器以異議。絀自危。乃上疏劾士英。言其擁兵入朝。配

留政地。翻先皇手定逆案。欲躋阮大鍼中樞。其子以銅

臭爲都督。女弟夫未履行陣。授總戎。嫺姪越其杰。田仰

楊文驄。

字龍友。貴陽人。

先朝罪人。盡登廡仕。亂名器。夫吳牲。鄭

三俊。臣不謂無一事失。而端方諒直。終爲海內正人之

歸。士英大鍼。臣不謂無一技長。而奸回邪慝。終爲社稷

無窮之禍。至是澤清入朝。疏糾大器。縉祚。懷異圖。而薦

江左雖處下游。未始不可
擬於南宋臨安之局。第建

炎時有張韓劉岳諸人力足
魁圖勸濟是以勢同累卵而平
壁猶可支持若福王志量既不知以
康王白期又分鎮非人如劉澤清高
傑等悍然尾大不掉抑且互相傾軋
遙制朝權雖史可法之忠貞不能消其
跋扈尤馬士英之奸究甚望挾以要君
宜其交誼日深而淪胥莫挽矣

逆案張捷

丹陽人

鄒之麟

武進人

張孫振

霍山人

等

時武臣各占分地賦

入不以上供恣其所用置封疆兵事一切不問與廷臣互分黨援干預朝政擠排異己奏牘紛如紀綱盡裂而澤清所言尤狂悖擁立之初卽援靖康故事請以五月收元又請宥故輔周延儒助餉賊銀又請禁巡按不得拏訪追贓請法司嚴緝故總督侯恂及其子方域時皆曲意從之及是入朝復阿士英指力糾大器等侯方域字大器遂乞休去以手書監國告廟文送內閣明無他士英憾未已令太常少卿李沾劾之遂削大器籍復命法司逮治之尋以蜀地盡失無可蹤跡而止大器既去沾得

超擢左都御史而謙益亦以附士英大鉞得爲禮部尙書協理詹事府事

明鎮江軍亂

時史可法部將于永綬等四人駐京口浙江入衛都司黃之奎亦部水陸兵四千戍其地之奎御軍嚴四將兵

恣橫刃傷民。浙兵縛而投之江。遂有隙。已而守備李大開統浙兵斫鎮兵馬。鎮兵與相擊。遂有隙。射殺大開。亂兵大焚掠。死者四百人。會巡撫卬彪佳至。永綬等遁去。彪佳劾治四將罪。調卹被難家。民大悅。前給事中熊汝霖赴召途中上言。臣自丹陽來。知浙兵爲邊兵所擊。火民居十餘里。邊帥有言。四鎮以殺掠獲封賞。我何憚不爲。臣意四鎮必毅然北征。一雪此恥。今戀戀淮揚。何也。况一鎮之餉。多至六十萬。勢必不能供。卽倣古藩鎮法。亦當在大河以北。開屯設府。曾與麥之內。而遽以藩籬視之。疏奏不省。熊汝霖字雨殷。餘姚人。

明馬士英乞罷慰留之。

士英當國。畏東林倚左。良玉爲難。謾語修好而陰忌之。良玉不自安。屬承天守備太監何志孔。巡按御史黃澍入賀。陰伺朝廷動靜。澍挾良玉勢。當陞見。面數士英奸。

貪不法。且言嘗受張獻忠偽官周文江麻城人重賄為題

授參將。罪當斬。志孔亦論士英罔上行私諸罪。司禮太

監韓贊周叱志孔退。士英跪乞處分。澍舉笏直擊其背

曰。願與奸臣同死。士英大號呼。贊周即執志孔候命。時

有內諭贊周欲令士英避位。士英佯引疾請罷。而賂福

邸舊奄田成。張執中等泣愬曰。上非馬公不得立。逐馬

公。天下將議上背恩矣。且馬公去。誰念上者。明日即慰

留士英。士英亦畏良玉。請釋志孔。而命澍速還湖廣。未

幾。復以他事奪澍官。故都督掌錦衣衛劉僑者嘗遣成

衣指揮使及良玉復斬黃僑削髮逃去。澍持之急。而士英納僑賄。令許澍。遂復僑官。削澍職。尋以朱

盛濃楚府中尉言逮澍。良玉留澍不遣。良玉令部將羣譁欲下南京索餉。因保救

澍。澍倚良玉而斥士英。雖
不為。敢言亦足號老奸
之。福王聞言意動。欲令
澍位。未始非一隙之明。可
冀挽回萬一。無如士英素
稔其柔懦。不能割斷。自如
而舊奄又樂其表裏為奸。
遂挾背恩為泣留之計。國
事至此。宦寺與閹臣把持。
朝局倘牢不可破。誰為亂
階。易曰。履霜。堅冰。非一朝

一夕之故其能無太息痛恨於貽謀之不善耶

澍袁繼咸亦爲上疏代澍申理。士英不得已乃免逮。澍遂匿良玉軍中。良玉與士英由此有隙。

明封福府千戶常應俊爲襄衛伯。

應俊本革工。福王值寇出亡時。應俊嘗負行以免于難。王初立。卽授左都督。至是封襄衛伯。世襲。太監韓贊。周盧九德及福府內臣屈尙忠。田成。張執中等亦以翊戴功各廕其弟姪有差。

明命魯王以海。魯荒王檀之九世孫。居處州。

時山東殘破。以海棄藩南奔。泊舟京口。命暫駐處州。明年。

南京破。兵部尙書張國維等迎以海居于紹興。號魯監國。順治三年六月。

大兵克紹興。以海遁入海。國維及禮部尙書余煌。侍郎陳函輝等皆死。六年。吏部尙書張肯堂復迎以海居方山。

八年。

大兵襲舟山。以海復航海。肯堂自經死。鄭成功奉以海居金門。禮待頗恭。既而解以海不能平。將往南澳。成功使人沉之海中。時順治十一年也。余煌字武貞。會稽人。陳函輝字木叔。臨海人。張肯堂字載寧。松江華亭人。鄭成功芝龍子。南澳在廣東潮州府饒平縣東南海中。鄭有三澳。延袤三百里。為閩粵門戶。今設南澳鎮。總兵駐此。按張國維諡忠敏。張肯堂諡忠誠。俱本朝賜。

大清。

秋七月。明遣兵部侍郎左懋第等求成于我。

我

大清兵連破李自成。河北郡縣亦相繼歸附。時議遣使通好而難其人。懋第母陳歿于燕。欲因是返匱葬。請行。乃拜懋第兵部右侍郎兼右僉都御史。與左都督陳洪範太僕少卿馬紹愉偕。而令懋第經理河北。聯絡關東諸。

軍務馬紹愉者。故兵部郎官也。嘗爲陳新甲通使。

事見前。

新甲旣誅紹愉以督戰致衄。爲懋第劾罷。及是紹愉已

起官郎中。乃進爲少卿。副懋第。懋第請罷紹愉勿遣。

畧言。

臣此行致祭先帝后梓宮。訪東宮二王蹤跡。臣旣充使。勢不能兼理封疆。且紹愉臣所劾罷。不當復與臣共事。必用臣經理。則乞命洪範同紹愉出使。而假臣一旅。借山東撫臣收拾山東以待。不敢復言北行。如用臣與洪範北行。則去臣經理。但閣部議止紹愉。改遣原任薊督銜命而往。而勿遣紹愉。

王永吉。

高郵州人。

命仍遵前諭。懋第瀕行。言臣此行死生未

卜。請以辭闕之身效一言。願陛下以先帝讐恥爲心。瞻

高皇之弓劍。則思成祖列祖之陵寢何存。撫江上之殘

黎。則念河北山東之赤子誰卹。更望時時整頓士馬。必

能渡河而戰。始能扼河而守。必能扼河而守。始能畫江

而安衆。聽其言。時令齎白金十萬兩。幣帛數萬匹。以兵

三千人護行。命王永吉

時以王永吉總督山東軍務。

暫駐河上。料理戰

守。候北使回。

時史可法銳意進兵河南。以懋第等方行。兵不宜繼進。諭止之。

懋第等以

十月朔至張家灣。我

大清令以百人從行入都。館之鴻臚寺。懋第請祭告諸陵

及崇禎帝。不許。乃陳太牢旅所。哭而奠之。旋以是月二

十八日遣還。出都。陳洪範于途次陳密啓。請身往江南。

招諸將劉澤清等降附。而留懋第等勿遣。于是自滄州

追還懋第。改館太醫院。而縱洪範南歸。

至明年五月。南京破。懋第聞之。

慟哭。其從弟懋泰先爲吏部郎降賊。後歸我。

大清授官矣。來謁懋第曰。此非吾弟也。叱出之。尋與從行

兵都司務陳用極游擊王一斌都司張良佐劉統王廷佐俱死之。惟馬紹愉降。按左懋第本朝賜諡忠貞。

李自成遁歸西安。

初自成西走至定州我

大清兵追敗之。斬賊黨谷可成。自成西走真定。益悉衆迎戰。

大兵復擊之。賊不能支。漸却。自成中流矢創甚。西踰故關入山西會。

大兵東返。自成乃得鳩合潰散走平陽。以讒殺其黨李巖。

巖故勸自成以不殺收人心。及陷京師。保護懿安皇后。令自盡。又獨于士大夫無所拷掠。牛金星等大忌之。定州之敗。河南州縣多殺偽官自保。巖請率兵往。金星陰告自成曰。巖雄武有大略。非能久下人者。河南巖故鄉。假以大兵。必不可制。因譖其欲反。自成令金星與巖飲。殺之。賊衆俱解體。至是自成

復遁歸西安。遣別賊陷漢中。降總兵趙光遠。進略保寧。

張獻忠以兵拒之。乃還。

自成既屢敗。益強狠自用。為尙書張第元。耿始然。皆以小忤死。

製銅鑲官吏坐昧即鑲斬。民盜一雞者死。西人大驚懼。張第元。汾陽人。耿始然。猗氏人。

明以張有譽

江陰人。

為戶部尙書。

內批特用戶部侍郎張有譽為尙書。高宏圖封還力諫。

不聽。蓋有譽素有清望。馬士英欲借以開傳陞倖門。為

阮大鍼地也。

未幾。又以張捷為吏部侍郎。捷因薦逆案呂純如。得罪公論。士英方欲用大鍼。故亦

以中旨起之。

明釋高牆罪宗為庶人。

前唐王聿鍵等三百餘人。俱釋為庶人。禮臣請復聿鍵

王爵。不許。尋命徙居廣西平樂府。

明年南京破。聿鍵方行次杭州。遇總兵鄭

鴻逵。戶部主事蘇觀生。奉之入閩。總兵鄭芝龍。巡撫都御史張肯堂。與禮部尙書黃道周等。定議奉聿鍵監國。

閏六月遂自立于福州。號隆武。改福州為天興府。廷芝龍、鴻逵為侯。觀生、道周俱大學士。餘拜官有差。時糧在鄭氏。華鍵不能有所為。屢促芝龍出兵。以餉絀辭。竟不行。道周請自往江西。圖恢復。以七月啓行。由廣信出衢州。進至婺源。遇大清兵戰敗。執至江寧。不屈死。于是侍郎楊廷麟等請聿鍵出江右。總督何騰蛟請出湖南。原任知州金堡言。騰蛟可恃。芝龍不可恃。宜棄閩就楚。聿鍵從之。十二月。自福州起行。至建寧。明年二月。至延平。六月。大清兵克紹興。閩中大震。鄭芝龍航海去。仙霞嶺空無一人。七月。

大兵抵閩關。守浦城御史鄭為虹。給事中黃大鵬。延平知府王士和。死焉。進克興化。副使知府事劉永祚。仰藥死。八月。聿鍵出走。數日。方至汀州。

大兵繼至。從官奔散。與妃曾氏俱就執。妃至九瀕。投于水。聿鍵死于福州。給事中熊緯。尚書曹學佺。通政使馬思禮等俱死。時順治三年也。蘇觀生字宇霖。東莞人。金堡。仁和人。仙霞嶺在浙江衢州府江山縣南。福建建寧府浦城縣北。即古泉山之嶺。為浙閩通衢。鄭為虹。字天玉。江都人。黃大鵬。字文若。建陽人。王士和。字萬育。金谿人。劉永祚。字叔遠。武進人。九龍。即九龍灘。在清流縣南。險峻為七閩最。熊緯。字文江。南昌人。曹學佺。字能始。侯

官人

按黃道周

本朝賜諡忠端

八月。明設廠衛緝事官。尋罷之。

刑科給事中袁彭年

公安人

疏言。廠衛之盛衰。關世運之

治亂。不可不革。命責以狂悖沽名。謫浙江按察司照磨。

蘇松巡撫祁彪佳亦上疏極論其弊。大學士姜曰廣擬

俞旨。羣奄共撓之。曰廣曰。緝事不除。宗社且不可知。何

廠衛之有。乃改命五城御史體訪。而罷緝事官不設。

張獻忠陷成都。明蜀王至澍

蜀獻王椿九世孫

及巡撫都御史龍

文光

雜容人

巡按御史劉之勃等死之。

初成都聞賊急。蜀王至澍謀遷于滇。劉之勃持不可。內江王至沂與之力爭。王將行。而守門卒洶洶亂。輜重有

被掠者。事遂寢。已而新撫龍文光。

是年春。莊烈帝命文光代陳士奇。總

兵劉佳引率兵三千從川北來。謀設守。諸王大姓逸去。

者半。

華陽知縣沈雲祚謁蜀王。陳守禦策不聽。聞太平王至。淶賢往說之曰。成都危在旦夕。而王府貨財

山積。不及今募士殺賊。疆場淪喪。誰為王守。至淶言于王。亦不聽。

沈雲祚字子凌。太倉人。

至是賊

逼成都。文光等分陴拒守。佳引出戰而敗。賊穴城。實以

火藥。又剝大木長數丈者合之。纏以帛。貯藥向城樓之

勃厲眾奮擊。賊卻二三里。皆喜。以為將去也。初九日。黎

明火發。北樓陷。木石飛蔽天。守陴者皆散。賊遂入城。蜀

王率妃妾自沈于井。之勃文光等皆被執。賊以之勃同

鄉欲用之。之勃大罵。賊攢箭射殺之。復盡驅文武將吏

及軍民男婦于東門之外。將戮之。忽有龍尾下垂。賊以

為瑞遂停刑。文光佳引卒不屈死。

文光見殺于濯錦橋。佳引自投于浣花溪。

副使張繼孟。

字伯功。扶風人。

陳其赤。

字石文。崇仁人。

僉事劉士斗。

字瞻甫。南

海人。張孔教。

字魯生。會稽人。

蜀府左長史鄭安民。

浙江人。

成都同知

方堯相。

字紹虞。黃岡人。

華陽知縣沈雲祚等皆死之。

士斗被執。見劉之勃。

與張獻忠語大呼曰。此賊也。公不可少屈。獻忠怒。命摔以上。士斗返顧語如前。遂闔門被殺。其亦投百花潭死。堯相死于萬里橋下。賊幽雲祚于大慈寺。遣其黨饋食。以刃脅降。不從。遇害。後獻忠復欲用諸人。備百官。繼孟等不為屈。遂並見殺。

明南京修興寧宮慈禧殿。

先是洛陽之陷。福王母妃與王相失。居于河南人郭守

義家。王既立。始遣總兵王之綱奉迎。及是至南京。命于

三日內搜括萬金。以充賞賜。又諭工部以行宮湫隘。亟

宋紹興之立廟社藏者且
譏其不以恢復為心然猶
不專為宮室求安計也福
王江左偷安雖側席憂動
尚恐不能固民心而激士
氣乃當疆場日蹙汲汲以
繕宮殿購寶器為務與巢
幕之謀何異況爾時府庫
不充動需掇括以之給軍
增壘且不免剝肉醫瘡何
況賞賜濫膺非擁立功
之輩即斜封干進之徒取
錙銖而用泥沙叔寶真全
無心肝者矣

修興寧宮慈禧殿剋期告成以居母妃尋又封母妃弟

鄒存義為大興伯

時土木並興賜予無節御用監內官請給工料銀置龍鳳几榻諸器物及

宮殿陳設金玉諸寶計賞數十萬工部侍郎高倬奏請裁省光祿寺辦御用器至萬五千七百有奇倬又以為

言皆不納高倬字校樓忠州人

明以前大學士王應熊為兵部尚書督師專討蜀寇起前

寧夏巡撫樊一蘅

字君帶宜賓人

為兵部侍郎總督川陝軍務

時張獻忠已據全蜀惟遵義保境自守應熊與一蘅避

其地命應熊督師一蘅總督軍務討之又遣御史米壽

圖

宛平人

巡按四川命吏部簡堪任監司守令者從壽圖

西行應熊等乃縞素誓師開幕府傳檄諸郡舊將會師

大舉會巡撫馬乾

昆明人

復重慶副將朱化龍等復龍安

茂州一薊乃起舊將甘良臣爲總統合參將楊展等所

攜潰卒得三萬人尋復敘州而副將會英福建人連敗賊

軍聲大振亦受一薊節制其他據城奉征調者洪雅則

曹勛黎州參將范文光內江人松茂則詹天顏龍巖人夔萬則譚

宏譚詣一薊遂移駐納溪注見前與應熊會瀘州檄諸路

刻期並進獻忠頗懼事皆在明年至

大清兵入蜀誅獻忠餘賊南奔至重慶曾英戰歿應熊避

之畢節衛尋卒會

大兵北旋一薊復駐江上爲收復計時蜀中大亂諸將各

據地自擅一薊令不行順治八年

大清兵南征一薊遁山中邁疾卒蜀中將士俱盡

而壽圖出奔沅州至順治十一年城破亦死

明以越其杰爲右僉都御史巡撫河南

時河南諸將各結寨自固其最大者開封汝寧間則劉

洪起南陽則蕭應訓洛陽則李際遇諸帥中獨洪起勇而好義數殺賊有功嘗與巡按御史陳潛夫大破賊將陳德于柳園潛夫因請予掛印為將軍馬士英不聽前僉事越其杰本坐賊遣戍赦居南京以士英姻婭特起為河南巡撫老憊不知兵潛夫所建白皆不用諸鎮兵無至者會其杰以事譖潛夫于士英蕭應訓復南陽及泌陽舞陽桐柏遣子三傑獻捷潛夫授告身飲之酒鼓吹前導出三傑喜過望往謁其杰其杰覬其賄故為尊嚴厲詞詰責詆為賊三傑泣而出萌異心潛夫過諸寨皆饒吹巡送其杰間過之諸寨皆閉門不出其杰恚故譖之士英竟調潛夫還以凌駟歙縣人代之

明選淑女

時以母妃命選淑女羣奄借端肆擾隱匿者至鄰里連

坐兵科給事中陳子龍

字卧子。松江華亭人。唐王時死節。本朝賜諡忠裕。言中

使四出搜巷。凡有女之家。黃紙貼額。持之而去。閭井騷

然。明旨未經有司。中使私自搜採。甚非法紀。御史朱國

昌臨安衛人亦以為言。乃命禁訛傳誑惑者。尋復使太監李

國輔等分詣蘇杭採訪。民間婚娶一空。

明賜北京死節諸臣贈諡。

北京文武臣殉難者。並予贈諡世廕。立廟于雞鳴山。賜

額曰旌忠。其列于正祀者。文臣二十四人。

范景文。倪元璐。李邦華。王

家彥。孟兆祥。施邦曜。凌義渠。吳麟徵。周鳳翔。馬世奇。劉

理順。注偉。申佐允。吳甘來。王章。陳純德。陳良謨。成德。許

直。金鉉。及大同巡撫衛景瑗。宣府巡撫朱之馮。布衣湯

文瓊。諸生許琰。范景文等。事具前。許琰字玉仲。吳縣

人。聞京師破。趨古廟自經。為

人所解。及哀詔至。竟不食死。武臣七人。新樂侯劉文炳。

惠安伯張慶臻。

襄城伯李國楨。駙馬都尉鞏永固。左都督劉文耀。山西總兵官周遇吉。遼東總兵官吳襄。文炳等。事具前。

內臣一人。

王承恩。

婦人九人。

成德母張氏。金鉉母章氏。汪偉妻耿氏。劉理順妻萬氏。妾李氏。馬世奇妾朱氏。李氏。陳良謨妾時氏。吳襄妻祖氏。事具前。

附祀者文臣七人。士進孟章明。及郎中徐有聲。給事中顧鉉。彭瑄。御史俞志虞。總督徐標。副使朱廷煥。孟章明。徐有聲。徐標。事具前。

顧鉉。成都人。彭瑄。永川人。俞志虞。浙江人。朱廷煥。單縣人。以副使分巡大名。流賊陷城。被執死。武臣十

五人。成國公朱純臣。鎮遠侯顧肇迹。定遠侯鄧文明。武定侯郭培民。陽武侯薛廉。永康侯徐錫登。西寧侯

宋裕德。懷寧侯孫維藩。彰武伯楊崇猷。宣城伯衛時春。清平伯吳遵周。新建伯王先通。安鄉伯張光燦。右都督

方履泰。錦衣衛千戶李國祿。時春。事具前。純臣。東平王能。八世孫。肇迹。夏國公成。十一世孫。文明。寧河王愈

十世孫。培民。營國公英。九世孫。濂。鄆國公祿。七世孫。錫登。蔡國公忠。十世孫。裕德。晟。十世孫。維藩。鎰。八世孫。崇猷。信。七世孫。遵周。梁國公成。七世孫。先通。守

仁。曾孫。光燦。與六世孫。履泰。南和伯一元子。內臣六人。

李鳳翔。王之心。高時明。褚憲章。方正化。張國元。方正化。事具前。鳳翔。司禮秉筆太監。時明。故司禮掌印太監。

化。事具前。鳳翔。司禮秉筆太監。時明。故司禮掌印太監。

憲章國元。皆提督諸監局太監。並殉難。而之心家最富。降賊拷掠死。命有司春秋致祭。然

顧鉉。彭瑄。俞志虞輩。特為賊拷死。皆濫與其列。而郎中

周之茂等。並以不屈死。事具前。顧未邀贈卹。他如御史馮

恒登。新昌人。員外郎鄭逢蘭。行人謝于宣。鄞縣人。郎中李逢

申。知縣鄒逢吉。湖口人。等。皆拷死。亦並獲贈諡。時南北阻

絕。多未能核實也。又予前大學士孫承宗。太常少卿鹿

熙祚。參政許文岐。推官蔡道憲等。並予贈諡。禮部尚書

顧錫疇。又言溫體仁得君行政最專且久。其負先帝罪

大且深。乞削其文忠之諡。而補文震孟。羅喻義。姚希孟

呂維祺。諸臣諡。庶天下有所勸懲。王亦從之。孫承宗

鹿善繼。劉熙祚等。事具前。許文岐。字我西。仁和人。蘄州

人。相結圖賊。謀洩被害。蔡道憲。字元白。晉江人。為長

沙推官。城陷被執。賊唱以官。曾齒大罵。賊磔之。健卒

國俊等九人殉焉。顧

錫疇。字九疇。崑山人。

明封鄭芝龍爲南安伯。

尋命爲總兵官。鎮守福建。復令其弟鴻逵帥舟師駐鎮江防守。

明以阮大鍼爲兵部侍郎。巡閱江防。

大鍼之召大學士高宏圖以去就爭。馬士英意稍折遲回月餘。至是復用安遠侯柳祚昌升八世孫。薦起大鍼兵部

添註右侍郎。仍禁廷臣不得把持阻諫。左都御史劉宗周疏言。大鍼昔爭吏垣不得。致魏大中死詔獄。殺大中者魏璫。大鍼其主使也。卽才果足用。臣慮黨邪害正之才。終病世道。且祖宗故事。九列必用廷推。乃者中旨頻降。司農之後繼之少宰。司農張有譽。少宰張捷也。未幾而大鍼司馬

又繼之。其爲墨勅斜封之漸。有不待問者。大鉞進退。實係江左興亡。乞寢成命。給事中熊汝霖亦言。大鉞以知兵擢。當置有用之地。若止優游司馬。則樞輔已優爲之。何必增置。命切責宗周。而格汝霖疏不聽。尋命大鉞兼右僉都御史。巡閱江防。

九月。明黃得功趨揚州。高傑以兵襲儀真。不克。

初。史可法置得功儀真。與傑陰相牽制。及是。登萊總兵黃蜚將之任。蜚與得功同姓稱兄弟。移書請兵備非常。得功率騎三百。由揚州往高郵迎之。傑素忌得功。又疑圖已。乃伏精卒道中邀擊之。得功行至土橋。方作食。伏起。出不意。上馬舉鐵鞭。飛矢雨集。馬踣。騰他騎馳。有驍

騎舞槩直前。得功大呼反闕。挾其槩而扶之。八馬皆糜。復殺數十人。跳入頽垣中。哮聲如雷。追者不敢進。遂疾馳至其軍。得免。方鬪時。傑潛師擣儀真。得功兵頗傷。而所俱行三百騎皆沒。遂訴於南京。願與傑決一死戰。命太監盧九德。及可法遣監軍萬元吉。和解之。不可。會得功有母喪。可法往弔。語之曰。土橋之役。無智愚皆知傑不義。今將軍以國故。捐盛怒而歸。由于高。是將軍收大名于天下也。得功色稍和。終以所殺亡多爲恨。可法令傑償其馬。復出千金爲母賵。得功不得已聽之。

明大學士姜曰廣罷。

曰廣與高宏圖協心輔政。而馬士英挾擁戴功。內結助。

臣朱國弼

保國公永五世孫

劉孔昭趙之龍外連諸鎮劉澤清

劉良佐等謀擅朝權深忌二人及沮阮大鍼進用益為

所疾曰廣遂抗疏乞休

大畧言前見文武交競既慚無術調和近睹逆案忽翻又愧不

能寢耳先帝善政雖多而煩出口宜職為亂階所得閣

臣則貪淫巧猾之周延儒等所得部臣則陰邪貪狡之

王永光等所得勲臣則力阻南遷盡撤守禦狂穉之李

國楨等所得大將則統袴支離之倪寵王撲等所得言

官則貪橫無賴之史董陳啟新等後效亦可睹矣今又

創一秘方但求面對立談取官同登塲之戲劇下殿得

意類羸勝之販夫決廉耻之大防長便佞之惡習此豈

可為訓哉臣待罪綸扉半壁東南有同幕雀愧死無地

終夜拊膺願乞疏入慰留之士英大鍼等滋不悅國弼

疏入慰留之士英大鍼等滋不悅國弼

孔昭遂以誹謗先帝誣蠹忠臣李國楨為言交章攻之

曰廣又與士英面詆

曰廣言上以親以序自應立汝何功士英厲聲曰臣無功汝輩欲立

潞藩故成臣功宗室朱統鐔

新建人者素無行士英啖以

耳爭辨久之

宗室朱統鐔

官使擊曰廣疏不由通政司為禮科所駁通政司劉士

萬安人

楨亦劾其違制俱不問劉澤清復假諸鎮疏攻曰

廣以三案舊事及迎立異議為詞請執下法司正謀危

君父之罪頃之統纘復劾曰廣五大罪

一引用東林死黨把持朝政二

交聯江湖大俠日窺南都聲息非謀劫遷則謀別戴三庇從賊諸臣四納賄五奸媳日廣既連被

誣巖屢疏乞休至是始得請

日廣言微臣觸忤權奸自

分萬死上恩寬大猶許歸田但臣歸後當還以國事為

重士英勃然曰吾權奸汝且老而賊也因叩頭言臣從

滿朝異議中擁戴陛下願以大馬餘生歸老貴陽如陛

下留臣臣亦但多一死日廣叱之曰擁戴是人臣居功

地耶士英曰汝謀立潞藩功安在爭論久之時不能斷

但諭以叔父賢明當立二先生無傷國體也既出復于

朝堂相詬

曰廣遂還江西

其後故將金聲桓者初在史

可法麾下

後隸左良玉良玉

死聲桓降于我

大清為南昌副總兵既而復叛附桂王由榔迎日廣以資

號召聲恒敗。曰黃投。俟家池死。本朝賜諡忠確。俟家池在新建縣西北。俟家樓下。

明左都御史劉宗周罷。

宗周初聞召命。以大讐未報。不敢受職。自稱草莽孤臣。

疏陳時政。言今日大計。舍討賊復讐。無以表陛下渡江

之心。非毅然決策親征。無以作天下忠義之氣。因進四

策。

一曰據形勢以規進取。江左非偏安之業。請進圖江

北。以鳳陽駐親征之師。一曰重藩屏以資彈壓。劉澤

清高傑倡逃可斬。一曰慎爵賞以肅軍情。請分別各師

封賞。孰當孰濫。一曰核舊官以立臣紀。受偽官叛逃者

宜分別定罪。命納其言。宣付史館。而馬士英高傑劉澤清恨

甚。滋欲殺宗周。宗周請告不許。遂抗疏劾士英。大畧言

飛淮甸。天實予之。乃以扈蹕微勞。晏然入內閣。進中樞

者。非士英乎。于是李沾劉孔昭等譁然聚訟。而羣陰且

翩翩起矣。高傑一逃將。而奉若驕子。劉黃諸將。各有舊

汎地。而置若奕棋。京營自祖宗以來。皆勲臣爲之。陛下

立國伊始。卽有內臣盧九德之命。士英不得辭其責。惟
陛下首辨陰陽消長之機。出土英仍督鳳陽。聯絡諸鎮。
史可法卽不還中樞。亦當自淮而北。歷河以南。別開幕
府。與士英相掎角。京營提督獨斷寢之。書之史冊。爲弘
光第一優旨答之。而促其速入。士英大怒。卽日具疏辭
美政。

位且揚言曰。劉公自稱草莽孤臣。不書新命。明示不臣
天子也。其私人朱統鐔遂劾宗周。疏請移蹕鳳陽。高牆
所在。欲以罪宗處皇上。而與史可法擁立潞王。其兵已

伏丹陽。當急備。而澤清傑日夜謀所以殺宗周。不得乃

遣客十輩往刺之。

宗周時在丹陽。終日危坐。未嘗有惰容。客前後至者。皆不忍加害而去。

適京口軍亂。

事具前。

士英以統鐔言爲信。亦震恐。于是澤

清疏劾宗周陰撓恢復。欲誅臣等。激變士心。劉良佐亦
言。宗周力持三案。爲門戶主盟。倡議親征。圖晁錯之自

爲居守。疏未下。澤清復草一疏。署傑良佐及黃得功名。

上之。言宗周勸上親征。謀危君父。陰結死黨。迫劫乘輿。

如宗周入都。臣等卽渡江赴闕。正春秋討賊之義。疏入。

舉國大駭。傳諭和衷集事。

初。澤清疏出。遣人錄示傑。傑曰。我輩武人。乃預朝事耶。得

功疏辨。臣不與聞。士英寢不奏。可法不平。遣使徧詰諸鎮。咸云不知。遂據以入告。澤清輩由是氣沮。宗周

不得已。以七月十八日至南京。會阮大鍼進用。宗周復

請告。王許其乘傳歸里。將行疏陳五事。

一曰修聖政。母以近娛忽遠猷。

一曰振王綱。母以主恩傷臣紀。一曰明國是。母以邪鋒

危正氣。一曰端治術。母以刑名先教化。一曰固邦本。母

以外費。亦但優旨報聞而已。明史可法遣諸將分守要地。高傑移駐徐州。

初。可法出巡淮安。閱劉澤清士馬。返揚州。請餉爲進取。

資。馬士英靳不發。可法疏趣之。因言今事勢更非昔比。必專主討賊復讐。舍籌兵籌餉無議論。舍治兵治餉無人才。優旨褒答而不能行。至是可法議分布諸將。奏請以總兵李成棟鎮徐州。賀大成鎮揚州。王之綱鎮河南。李本身胡茂楨。隸高傑麾下爲前鋒。而令劉肇基駐高家集。李棲鳳駐睢寧。以防河。用張天祿爲閣標前鋒。駐瓜洲。高傑故跋扈。可法日以君臣大義曉示之。傑感其忠。奉約束。可法因與謀恢復。議調黃得功。劉澤清。二鎮赴邳宿防河。傑自提兵直趨開歸。且瞰宛洛荆襄。以爲根本。傑遂具疏上之。且曰。得功與臣介介前事。臣知報君雪耻而已。安能與同列較短長哉。然得功終不欲爲。

傑後勁而澤清尤狡橫難任。可法不得已。乃移得功廬

州。以防桐皖。調劉良佐赴邳徐。進復黃汝。與傑相聲援。

傑遂帥兵移鎮徐州。以左中允衛允文字祥趾。韓城人。兼兵科

給事中。監其軍。徐州土賊程繼孔。崇禎末被擒至京。乘亂逃歸。傑至徐州擒斬之。

明逮前浙江巡按御史左光先下獄。

阮大鍼既得志。專務報復。既排去劉宗周等。于是盡召

逆案楊維垣嘉興人。虞廷陞等十餘人。及所善蔡奕琛唐

世濟烏程人。張孫振慈谿人。袁宏勳等。布列要路。浙江巡按

御史左光先者。光斗之弟。故與大鍼世讐。又嘗首劾士

英。大鍼益恨刺骨。光先在浙嘗平許都亂。都。東陽人。家

姚孫渠索賄不得。誣其結黨謀逆。都遂反。光先以知縣撫標兵討之。都乞降。遂殺之。姚孫渠。桐城人。至是

光先已去。而都餘黨復叛。大鉞因坐以激變。逮下獄。蘇松巡撫祁彪佳疏救。士英大鉞并恨彪佳。嗾張孫振論其奸貪。彪佳遂移疾去。明年杭州破。彪佳即不食。尋端坐池中而死。本朝賜諡忠惠。明吏部尚書徐石麒罷。

石麒初入朝。上疏陳七事。

省庶官。慎破格。行久任。重名器。嚴起廢。明保舉。交堂廉。

褒納之。時當考選。石麒與都御史劉宗周。矢公甄別。擬

莊元辰

鄞縣人。

等十三人爲科道。馬士英庇其私人。更易

殆半。御史黃耳鼎

蘄水人。

給事中陸朗

上元人。

有物議。石麒

以年例出之。朗賄奄人。內傳留用。耳鼎尋亦復官。石麒發其罪。朗恚。疏詆石麒。耳鼎亦兩疏劾石麒。并言其枉殺陳新甲。石麒疏辯。求去益力。士英擬嚴旨。不許。令馳

驛歸。石麒麟剛方清介。值權奸用事。鬱鬱不得志。士英挾

定策功。將圖封。石麒麟議格之。中貴田成輩請囑石

麒麟拒不應。由是中外皆怨。搆之去。明年南京破。

大軍至浙江。石麒麟方居城外。曰。吾大臣也。城亡與亡。復入

居城中。朝服自縊死。

本朝賜諡忠懿。

務。

冬十月。明以前兵部尙書張縉彥總督北直。山西。河南。軍

務。時馬士英掌中樞。絕不銳厲恢復。日以鋤正人。引兇黨

爲務。初。舉朝以逆案攻阮大鍼。大鍼憾甚。及見北都從

逆諸臣。頗多附會清流者。因倡言曰。彼攻逆案。吾作順

案相對。以李自成僞號曰順也。士英因疏糾光時亨。桐城

人。陳名夏。漂陽人。周鍾。鐵從弟。項煜等。以諸人皆附東林。故

重劾之。其他大僚降賊者。反不之及。賄入輒復其官。縉

明末北都當流賊猖獗時
自捐軀矢節諸臣外有身
汚偽命者後聞賊已奔逃
而南京監國復爾營營干
進此等假息偷生若仍以
傳聞異辭曲為寬貸即屬
與於逆黨之尤然在馬院
檢邪即不惜以引類呼朋
私行拯援其於異已之輩
又轉得借題報復以修睡

彥以本兵首先開門從賊自成敗走。縉彥竄歸河南。至
是自言集義勇擒偽官收復列城。士英主之。即授原官
總督軍務。許便宜行事。給事中李維樾言。縉彥闇習失
機。寸斬莫贖。逆賊入宮。青衣候點。賊敗竄歸。安能復收
河北。總督何官顧畀賊臣。士英等勿恤也。時北都降賊諸臣多以賊
敗南還。史可法言。北都之變。臣子皆當有罪。若在北者
始應從死。豈在南者。獨非人臣。即臣可法。謬典南樞。臣
士英。叨任鳳督。未能疾趨北援。鎮臣澤清。傑以兵力不
支。折而南走。是首應重論者。臣等罪也。乃鈇鉞未加。且
恩榮疊被。獨于在北諸臣。毛舉而槩繩之。豈散秩閑曹
責反重于南樞鳳督哉。宜摘其罪狀顯著者。重懲示儆
若偽命未汚。當置不問。其逃避後至者。許
戴罪討賊。赴臣軍前酌用。時不能盡從也。

明大學士高宏圖罷。

初阮大鍼入見。以宏圖不附東林引為証。宏圖顧力言

耻舊隙即解學龍所定爰
書六等亦不無輕重矣倫
掛一漏萬之弊惟史可法
論南北諸臣大義最為嚴
切彼倖處南都空閒之局
不知厚自刻責而於焦頭
爛額之人反唇相詰甚至
乘擁立之舉濫賞冒功憫
然以為得計聞可法之言
亦可以少愧矣

逆案不可翻大鍼及馬士英並怒。

一日閣中言及故庶吉士張溥士英曰吾

故人也死。醉而哭之。姜曰。廣笑曰。公哭東林。亦東林耶。士英曰。我非畔東林。東林拒我耳。宏圖因慙患之。士英意解。會劉宗周劾疏上。大鍼宣言曰。廣實使之。于。是士英怒不可止。力薦張捷謝陞。朝端益水火矣。宏圖因乞休。請召還史可法。皆不許。至是。凡四疏乞休。乃許之。
宏圖既致仕。無家可歸。流寓會稽。及南京破。逃野寺中。絕粒而死。本朝賜諡忠貞。

明鳳陽地震。

明遣太監孫元德督賦浙江。

先是命太監王肇基

即王坤

督催浙閩金花銀以給事中

羅萬象執奏而止。及是復遣司禮太監孫元德往浙督

催內庫及戶工二部錢糧。尋以高起潛請餉。又于浙閩

增派二十萬。亦令元德催解軍前。

明以張捷為吏部尚書。楊維垣為通政使。

馬士英獨握國柄。一聽阮大鍼計。朝政濁亂。賄賂公行。時徐石麒既去。士英欲用張國維掌吏部。而大鍼結內奄。取中旨。特授張捷。士英睥眄良久。楊維垣力謀起官。禮部尚書錢謙益。因上疏薦維垣。及蔡奕琛。且頌士英功。而盡雪逆案賈繼春等。維垣遂得授通政使。未幾。進御史。奕琛亦授吏部侍郎。

我

大清兵西討李自成。分兵下江南。

先是我睿親王多爾袞。令南來副將韓拱薇。參將陳萬春等。齎書致史可法。書曰。予向在瀋陽。即知燕京物望。咸推司馬。後入關破賊。得與都人

士相接識介弟於清班曾託其手勒平安拳致哀緒未審以何時得達比聞道路紛紛多謂金陵有自立者夫君父之讐不共戴天春秋之義有賊不討則故君不得書葬新君不得書即位所以防亂臣賊子法至嚴也闖賊李自成稱兵犯闕手毒君親中國臣民不聞加遺一矢平西王吳三桂介在東陲獨效包胥之哭

朝廷感其忠義念累世之宿好棄近日之小嫌爰整貔貅驅除狗鼠入京之日首崇懷宗帝后諡號卜葬山陵悉如典禮親郡王將軍以下一仍故封不加改削勲戚文武諸臣咸在朝列恩禮有加耕市不驚秋毫無擾方擬秋高氣爽遣將西征傳檄江南聯兵河朔陳師鞠旅戮力同心報乃君國之讐彰我

朝廷之德豈意南州諸君子苟安旦夕弗審事機聊慕虛名頓忘實害予甚惑之

國家之撫定燕都乃得之於闖賊非取之於明朝也賊毀

明朝之廟主辱及先人我

國家不憚征繕之勞悉索敝賦代爲雪耻孝子仁人當如何感恩圖報茲乃乘逆寇稽誅王師暫息遂欲雄據江南坐享漁人之利揆諸情理豈可謂平將以爲天塹不能飛渡投鞭不足斷流耶夫闖賊但爲明朝祟耳未嘗得罪於我

國家也徒以薄海同讐特伸大義今若擁號稱尊便是天

幼年卽義聞我攝政睿親
王致書勗臣史可法事而
未見其文昨輯宗室王公
功績表傳乃得讀其文所

有二日儼爲勦敵予將簡西行之銳轉旆東征且擬釋
彼重誅命爲前導夫以中華全力受制潢池而欲以江
左一隅兼支大國勝負之數無待著龜矣予聞君子之
愛人也以德細人則以姑息諸君子果識時知命篤念
故主厚愛賢王宜勸令削號歸藩永綏福祿
朝廷當待以虞賓統承禮物帶礪山河位在諸王侯上庶
不負

朝廷伸義討賊興滅繼絕之初心至南州羣彥翩然來儀
則爾公爾侯列爵分土有平西之典例在惟執事實圖
利之輓近士大夫好高樹名義而不顧國家之急每有
大事輒同築舍昔宋人議論未定兵已渡河可爲殷鑒
先生領袖名流主持至計必能深維終始寧忍隨俗浮
沉取舍從違應早審定兵行在即可西可東南國安危
在此一舉願諸君子同以討賊爲心毋貪一身瞬息之
榮而重故國無窮之禍爲亂臣賊子所笑予實有厚望
焉記有之惟善人能受盡言敬布腹心佇聞明教江天
在望延政爲可法旋遣人答書書曰南中向接好音法
勞書不宜意未敢遽通左右非委隆誼于草莽也誠以大夫無私交
春秋之義今倥偬之際忽捧琬琰之章真不啻從天而
降也循讀再三殷殷至意若以逆賊尙稽天討煩
貴國憂法且感且愧懼左右不察謂南中臣民媮安江左

為揭大義而示正理引春

秋之法斥偏安之非旨正

辭嚴心實嘉之而所云可

法遣人報書語多不屈固

未嘗載其書語也夫可法

明臣也其不屈正也不載

其語不有失忠臣之心乎

且其語不載則後世之人

將不知其何所謂必有疑

惡其語而去之者是大不

可也因命儒臣物色之書

市及藏書家則亦不可得

復命索之于內閣冊庫乃

始得焉卒讀一再惜可法

之孤忠嘆福王之不惠有

如此臣而不能信用使權

奸製其肘而卒致淪亡也

夫福王即信用可法其能

貴

竟忘君父之怨敬為

國之主也。以庸臣悞國。致有三月十九日之事。法待罪南

樞。救援無及。師次淮上。凶問遂來。地坼天崩。山枯海泣。

嗟乎。人孰無君。雖肆法于市朝。以為泄泄者之戒。亦奚

足謝先皇帝于地下哉。爾時南中臣民。哀慟如喪考妣。

無不拊膺切齒。欲悉東南之甲。立剪兇讐。而二三老臣。

謂國破君亡。宗社為重。相與迎立。今上。以繫中外之心。

今上非他。神宗之孫。光宗猶子。而大行皇帝之兄也。名

正言順天。與人歸。五月朔日。駕臨南都。萬姓夾道歡呼。

聲聞數里。羣臣勸進。今上悲不自勝。讓再讓三。僅允監

國。迨臣民伏闕。屢請。始以十五日。正位南都。從前鳳集

河清。瑞應非一。即告廟之日。紫雲如蓋。祝文升霄。萬日

共瞻。欣傳盛事。大江湧出。桺梓數十萬章。助修宮殿。豈

非天意也哉。越數日。遂命法視師江北。刻日西征。忽傳

我大將吳三桂。借兵

國。破走逆成。為我先皇帝后發喪成禮。掃清宮闕。撫輯

羣黎。且罷薙髮之令。示不忘本朝。此等舉動。振古鑠今。

凡為大明臣子。無不長跼北向。頂禮加額。豈但如明諭

所云。感恩圖報已乎。謹于八月。薄治筐篚。遣使犒師。兼

欲請命鴻裁。連兵西討。是以王師既發。復次江淮。乃辱

明誨。引春秋大義。來相詰責。善哉乎推言之。然此又為

守長江爲南宋之偏安與否猶未可知而見燕雀處堂無深謀遠慮使兵頓餉竭忠臣流涕頓足而嘆無能爲惟有一死以報國是不大可哀乎且可法書語初無詭譎不經之言雖心折于睿王而不得不強辭以辯亦仍明臣尊明之義耳余以爲不必諱亦不可諱故書其事如右而可法之書並命附錄于後夫可法卽擬之文天祥實無不可而明史本傳乃稱其母夢文天祥而生則出于稗野之附會失之不經矣

列國君薨世子應立有賊未討不忍死其君者立說耳若夫天下共主身殉社稷青宮皇子慘變非常而猶拘牽不卽位之文坐昧大一統之義中原鼎沸倉猝出師將何以維繫人心號召忠義紫陽綱目踵事春秋其間特書如莽移漢鼎光武中興不廢山陽昭烈踐祚懷愍亡國晉元嗣基徽欽蒙塵宋高繼統是皆于國誓未剪之日亟正位號綱目未嘗斥爲自立率以正統與之甚至如元宗幸蜀太子卽位靈武議者疵之亦未嘗不許以行權幸其光復舊物也本朝傳世十六正統相承自治冠帶之族繼絕存亡仁恩遐被

貴國昔在先朝夙膺封號載在盟府寧不聞乎今痛心本朝之難驅除亂逆可謂大義復著于春秋矣昔契丹和宋止歲輸以金繒回紇助唐原不利其土地况

貴國篤念世好兵以義動萬代瞻仰在此一舉若乃乘我蒙難棄好崇讐規此幅幘爲德不卒是以義始而以利終爲賊人所竊笑也

貴國豈其然往先帝軫念潢池不忍盡戮勦撫互用貽誤至今今上天縱英明刻刻以復讐爲念廟堂之上和衷體國介冑之士飲泣枕戈忠義民兵願爲國死竊以爲天亡逆闖當不越于斯時矣諺曰樹德務滋除惡務盡今逆成未服天誅諜知捲土西秦方圖報復此不獨本朝不共戴天之恨抑亦

貴國除惡未盡之憂。伏乞堅同讐之誼。全始終之德。合師進討。問罪秦中。共梟逆賊之頭。以洩敷天之憤。則貴國義問。炤耀千秋。本朝圖報。惟力是視。從此兩國世通盟好。傳之無窮。不亦休乎。至于牛耳之盟。則本朝使臣久已在道。不日抵燕。奉盤盂從事矣。法北望陵廟。無涕可揮。身蹈大戮。罪應萬死。所以不即從先帝者。實爲社稷之故。傳曰。竭股肱之力。繼之以忠貞。法處今日。至是鞠躬致命。克盡臣節。所以報也。惟殿下實昭鑒之。至是。山西山東郡縣。已次第撫定。我

大清乃命英親王阿濟格爲靖遠大將軍。帥師西討。李自成。豫親王多鐸爲定國大將軍。帥師下江南。

明定諸鎮兵額。

江北督撫四鎮。額兵三萬。楚撫額兵一萬。京營額兵一萬五千。時九江總督袁繼咸爲馬士英等所惡。因汰其軍餉六萬。軍中有怨言。繼咸爭之。不聽。繼咸又議造戰艦。檄九江僉事

葉士彥。截買材木。士彥封還其檄。繼成劾之。士彥同年御史黃耳鼎亦劾繼成。且言繼成嘗勸左良玉立他宗而良王不從。良玉聞之疑懼。上疏明與繼成無隙耳。鼎受指使而言。由是南京籍籍益謂良玉脅制朝廷矣。
葉士彥。
巢縣人。

十一月。明鳳陽陵災。

松栢皆燼。

張獻忠僭號于成都。

獻忠既有全蜀。遂僭號大西國王。偽稱大順元年。修蜀

王府居之。設丞相。尚書。五軍都督府等官。

用汪兆麟。嚴錫命。為左右

丞相。王國麟。江鼎鎮。龔完敬。為尚書。養子孫可望。艾能奇。劉文秀。李定國等。皆為將軍。賜姓張氏。鼎鎮。完敬。尋以小過。剗剔死。脅川中士大夫受偽職。前布政使尹伸。給事中吳宇英。皆不屈死。江鼎鎮。南充人。龔完敬。彭縣人。尹伸。敘州人。遣諸偽將。分屠各府州縣。詭開科取吳宇英。廣元人。士。集于青

羊官盡殺之。筆墨成邱塚。坑成都民于中園。殺各衛籍軍九十八萬。偽官朝會。呼契數十下殿。契所獻者。引出斬之。名天殺。又創生剝人法。將卒以殺人多少敘功。共皮未去而先絕者。刑者抵死。

殺男女六萬萬有奇。會諸郡義兵並起。獻忠憤怒。誅殺

益壽。川中人跡殆絕。列城內至雜樹成拱云。

後二年。獻忠盡焚成

都官室。鏹其城。率眾出川北。又欲盡殺川兵。偽將劉進

忠率川兵一軍盡逃。會我大清兵至漢中。進忠降。乞為嚮導。至鹽亭界。大霧。獻忠曉

行。猝遇

大兵。中矢墜馬。蒲伏積薪下。擒出斬之。

鹽亭。魏縣。今屬四川潼川府。

明史可法帥師進次清江浦。

可法聞李自成敗還陝西。決策北行。高傑既赴徐州。可

法遂帥師進次清江浦。遣官屯田開封。為經畧中原計。

時諸將各分汎地。擇便利者。自王家營

在清河縣東。而北。黃河北岸。

北至宿遷。最衝要。諸鎮不敢任。可法自任之。令幕下文

武。築壘緣河南岸。

可法以自成未滅。上疏請頒討賊詔書。大畧言。偏安者。恢復之退步。未有

志在偏安。而遽能自立者也。大變之初。黔黎灑泣。紳士悲哀。猶有朝氣。今則兵驕餉絀。文恬武嬉。頓成暮氣矣。河上之防。百未經理。人心不肅。威令不行。復讐之師。不聞及關陝。討賊之詔。不聞達燕齊。君父之讐。置諸膜外。億臣等迎駕時。陛下言及先帝。則泣下沾襟。恭謁孝陵。則淚痕滿袖。皇天后土。實式鑒臨。曾幾何時。頓忘斯志。先皇帝死于賊。恭皇帝亦死于賊。此千古未有之痛。國家變出非常。在北諸臣。死節者無多。在南諸臣。討賊者復少。此千古未有之恥。夫庶民之家。父兄被殺。尚思穴胸斷脛。得而甘心。況在朝廷。顧可漠置。臣恐恢復無期。卽偏安亦未可保也。今宜速發討賊之詔。責臣與諸鎮。悉簡精銳。直指秦關。庶海內忠臣義士。聞而感憤。且陛下嗣登大寶。原與先朝不同。諸臣但有罪當誅。曾無功足錄。臣于登極詔藁。特將加恩一款刪除。不意後來。仍復開載。致貽笑天下。今恩外加恩。紛紛未已。武臣腰玉。名器濫觴。自後尤宜慎重。專待有功。庶猛將武夫。有所激厲。至行兵討賊。最苦無糧。搜括不可行。勸輸亦難繼。請將不急之工程。可已之繁費。一切報罷。朝夕之燕衍。

左右之進獻。一切謝絕。卽事關典禮。萬不容已者。亦槩從節省。蓋賊一日未滅。卽有深宮曲房。豈能安處。錦衣玉食。豈能安享。必刻意在雪恥報讐。振舉朝精神。萃萬方物力。盡并于選將練兵一事。庶人心可鼓。天意可回。疏奏。不省。時諸鎮位秩已崇。咸遂巡無進師意。可法悔之。語其客。欲斬已。及馬士英。高宏圖。姜曰廣。四人頭。爲任事不忠之戒。因上疏請責成諸鎮進戰。可法每繕疏。循環諷誦。聲淚俱下。聞者無不感泣。士英第取優旨報已。之而

我

大清兵入宿遷

我

大清兵取海州。遂取宿遷。史可法舟次鶴鎮。聞報。遣總兵劉肇基往援。復其城。越數日。

大清兵圍邳州。軍城北。肇基援之。軍城南。相持半月而解。

復分兵拔贛榆豐沛等縣皆降。

可法以聞。馬士英大笑不止。坐客楊士聰問故。

士英曰。君以爲誠有是事耶。此史公妙用也。歲將暮。防河將吏應敘功。耗費軍資。應稽算。此特爲敘功稽算地耳。

楊士聰。濟寧人。

明命權酒稅。

馬士英請權酒助餉。下部議從之。士英又請免童生府州縣試。分上中下戶。納銀卽赴院試。又奏開助工等例。暴斂益甚。民間因有掃盡江南金。填塞馬家口之謠。

明逮治前昌平巡撫何謙。

崑山人等。

御史沈宸荃。

慈谿人。

言經畧山東河南者。王永吉。張縉彥。

也。先帝拔永吉爲總督。不救國危。擢縉彥典中樞。率先從賊。卽加二人極刑。不爲過。陛下屈法用之。而永吉觀。

望逗遛。縉彥狼狽南竄。死何以對先帝。生何以對陛下。
昌平巡撫何謙失陷諸陵。罪亦當按。都城旣陷。守土臣
宜皆厲兵秣馬。以報國讐。乃賊塵未揚。輒先去。以爲民
望。如河道總督黃希憲。山東巡撫邱祖德。字念修。成都人。尙可
容偃臥家園乎。疏入。永吉。縉彥。釋勿問。逮謙。祖德等付
法司治之。

明桂王常瀛卒于梧州。

常瀛初封衡州。張獻忠陷湖南。常瀛走廣西。遂居梧州。

至是以憂悸致疾卒。

常瀛世子先卒。次子安仁王由懋。未幾亦卒。次由榔。初封永明王。至

順治三年八月。

大。下汀州。執唐王聿鍵。于是兩廣總督丁魁楚。廣西巡撫瞿式耜等。迎由榔監國。十一月。自立于肇慶。號永曆。

大兵克廣州。式耜請駐軍峽口。太監王坤不從。率山榔走

大兵向肇慶。由榔復走桂林。又走武岡。柳州。會

大兵東還。由榔旋返桂林。順治五年。南昌總兵金聲桓等

叛降于山榔。復還肇慶。順治六年。

大兵下湘潭。總督何騰蛟死之。尋入桂林。大學士瞿式耜

亦死。山榔大懼。自梧州奔南寧。時孫可望已據滇黔。受

封為秦王。順治八年。遣兵至南寧。殺其大學士嚴起桓

等。順治九年。可望迎出榔入安隆所。改曰安龍府。日益

窮促。聞李定國與可望有隙。遣使密召定國。以兵來迎。

可望偵知之。殺其大學士吳貞毓等數人。順治十三年。

定國至。乃奉由榔走雲南。由榔封定國晉王。順治十四

年。可望舉兵與定國戰。大敗。挈妻子降于我。

大清順治十五年。

大兵三路入雲南。由榔走永昌。順治十六年。

大兵克雲南。由榔走騰越。定國敗于路江。由榔走南甸。遂

入緬。緬以四舟迎由榔。隨行者六百餘人。緬人于緒陁

置草屋。居由榔。遣兵防之。順治十七年。定國等與緬戰。

索其主。連敗緬兵。緬終不肯出。由榔時平西大將軍吳

三桂。以由榔尚在。請進兵緬甸。以靖根株。一勞永逸

之計。我

大清命定西將軍愛星阿。率師會之。三桂遂傳檄緬甸。諭

此歷代通鑑輯覽

卷之三百七 明福王

三

以擒獻由榔。順治十八年正月。三桂遣二土官至緬。示師期。三月。師至猛卯。會漳發撤兵。而緬酋莽猛白屢得三桂檄。欲生致由榔。乃密使人防守。誘其從官沐天波等渡河盟。盡殺之。惟存由榔與其屬二十五人。九月。三桂及愛星阿帥師自南甸。隴川。猛卯進。別遣兵取道姚關。鎮康。孟定。十一月。會于木邦。遂趨緬。十二月。次舊挽坡。去緬城六十里。緬使人請兵百人進蘭姆。江濱為扞衛。遂執由榔及其親屬送三桂軍前。明年四月。由榔死于雲南。嚴起桓。浙江山陰人。安隆所。本元普安路地。明設守禦所。今為南籠府。屬貴州。吳貞毓。字元聲。宜興人。按何騰蛟謚忠誠。瞿式耜謚忠宣。俱本朝賜。

十二月我

大清兵克河南府。

高傑至徐州沿河築牆。專力備禦。且遣人通好許定國。太康人。為聯絡河南計。張縉彥亦奏定諸將分地。王之綱至寧陵。許定國自寧陵至蘭陽。劉洪起自祥符至汜水。會。

大清兵至孟津。先遣精兵渡河。沿河十五寨堡。俱望風歸附。

大兵入河南府。總兵李際遇迎降。縉彥等並走沈邱。河南

撫鎮飛章交急。命傑率兵進屯歸德爲備。

而已

大兵別由濟寧南下。至夏鎮。復自洛陽圍鄧州。可法。傑及劉澤清等。各具疏告警。馬士英言。北兵雖在河上。然賊勢尙張。不無後慮。豈遂投鞭問渡乎。況疆弱何常。赤壁三萬。淝水八千。惟在諸將策勵之而已。卒不應。

明命馬士英閱兵。

將大閱京軍。適有疾不出。因命士英代之。時工費無度。

荒酒漁色。閹人田成等擅寵。士英輩亦因之竊權固位。

政以賄成。識者皆知其不堪旦夕。

阮大鍼嘗以烏絲闌寫已所作燕子箋雜

劇進文。時歲將暮。福王一日居興寧宮。憮然不樂。韓贊周請其故。王曰。梨園殊少佳者。贊周泣曰。奴以陛下或

思皇考。乃作此想耶。

明重頒三朝要典。命追卹逆案諸臣。

楊維垣追論三朝黨局。力詆王之案。楊漣等而爲劉廷

元。霍維華等訟冤。乃命求三朝要典。宣付史館。尋復令

刪定刊行。吏部尙書張捷力稱維華等忠。請表章三案

諸臣。因盡追賜卹典。

贈廕祭葬謚全者。維華等六人。贈廕祭葬不予謚者。徐大化等二人。

贈祭葬者。徐揚先等三人。

復官不賜卹者。王紹徽等三人。

他若王德完。黃克纘。王永光。章光岳等。雖名不麗于逆案。而爲清論所不予者。亦賜卹有差。

徐揚先。江寧人。章光岳。臨川人。袁宏勳。復請追論

焚要典諸臣罪。袁繼咸疏言。要典已經先帝焚毀。何必

復理其說。未進。宜寢之。已進。宜毀之。不聽。

明妖僧白稱齊王。伏誅。

錢謙益在崇禎間因廷推牽引關節久致沉淪爾時無識之徒猶以其與溫體仁不諧頗覺清流之目迫南京起用卽甘心獻媚權奸不惜抗疏責諛解寃修好是其平昔飾偽盜名祇以希心柄用及一經蹉跌而熱中躁進更復不能自持卒之大鉞等伎刻相尋仍不免于列名羅織彼屈

有狂僧大悲。自稱齊王。又稱潞王。爲趙之龍所捕。下鎮撫司勘訊。阮大鉞與張孫振謀。欲假以誅東林。及素所不合者。令大悲引諸臣擁潞王。可一網盡也。因造十八羅漢。五十三參之目。書史可法。高宏圖等名。一時人望無不備列。納大悲袖中。錢謙益先已上疏頌士英。且爲大鉞訟寃。修好矣。大鉞憾不釋。亦列焉。將窮治其事。獄詞詭秘。廷臣皆自危。而士英不欲與大獄。乃第當大悲妖言律斬而止。

乙福王由松弘光元年。是年五月。我大清兵下江南。福王就執。明亡。春正月。明以南京宮殿成。推恩諸臣有差。

加史可法太保。馬士英少師。王鐸少保。予廕。仍以士英

節以求容于宵小者亦徒
足口貽笑穢焉耳

掌文淵閣印充首輔辦事可法力辭太保許之可法為督師行

不張蓋食不重味夏不箴冬不裘寢不解衣年四十餘
無子其妻欲置妾太息曰王事方殷敢為兒女計乎在
軍中絕飲除夕遣文牒至夜半倦索酒殺肉分給將士
已盡乃取鹽豉下之思先帝泣然淚下凭几卧比明將
士集轅門外門不啟左右遙語其故知府任民育曰相
公此夕臥不易得也令鼓人仍擊四鼓可法寤怒曰誰
犯吾令左右述民育意乃免
任民育字時澤濟寧人

明定北都從逆諸臣罪削刑部尚書解學龍籍

先是命治從賊諸臣獄倣唐制六等定罪學龍議定為

爰書分別上之一等應磔者十一人吏部員外郎宋企

陽知府張麟然太僕少卿曹欽程御史李振聲喻上猷
山西提學參議黎志陞陝西布政使陸之祺給事中高
翔漢潼關道僉事楊王休檢討劉世芳麟然義烏人
振聲米脂人上猷石首人志陞華容人世芳廣施人

二等應斬秋決者四人給事中光時亨河南提學僉事
鞏燾庶吉士周鍾兵部主事方

允昌。靖真寧人。允昌浙江人。三等應絞擬贖者七人。翰林院修撰兼都給事中陳名

等。夏四等應戍擬贖者十五人。禮部主事王孫蕙等。孫蕙無錫人。五等應

徒擬贖者十人。通政司參議宋學顯等。六等應杖擬贖者八人。工部

員外郎潘同春等。其留北俟後定奪者十九人。少詹事何瑞徵

等。同春餘姚人。瑞徵另存再議者二十八人。給事中翁元益等。又

已經錄用者十人。兵部尚書張縉彥等。奏入諭以周鍾等不當緩

決。陳名夏等未蔽厥辜。宋學顯潘同春等擬罪未合。令

再議。惟方拱乾名在五等。以結納馬阮。特免其罪。拱乾桐城人。至是學龍更擬周

鍾光時亨等各加一等。潘同春諸臣皆候補小臣。受僞

無據。仍執前律時馬阮急欲殺周鍾。學龍欲緩其死。謀

之王鐸。乘士英注籍上之。且請停刑。鐸即擬俞旨。褒以

詳慎平允。士英大怒。然事已無及。大鉞暨張捷、楊維垣等聲言欲劾學龍。學龍引疾。命未下。保國公朱國弼、御史張孫振等詆其曲庇行私。遂削籍。後周鍾、光時亨既死。大鉞等即傳旨。二等罪斬者。謫雲南金齒軍。三等罪絞者。充廣西邊衛軍。四等以下俱爲民。永不敘用。然學龍所定案亦多漏網。而所擬一等諸犯皆隨賊西行。實未嘗正刑辟也。周鍾等被戮。事俱詳後。

明總兵許定國誘殺高傑于睢州。

傑帥兵進次歸德。定國方駐睢州。故與傑有怨。嘗上書詆傑爲

賊。故傑恨之。而定國亦已遣使納款于我。

大清且送其二子渡河爲質。乞濟師往援。傑微聞之。招定國相會。不應。傑復邀巡撫越其杰等同往睢州。定國始郊逆。毀其軍而以羸見。且故爲屈服狀。傑心輕定國。遂

入城其杰止之不聽。十一日定國置酒享傑。傑飲酣爲定國刻行期。且微及送子事。定國益疑。無離睚意。傑固促之行。定國怒。夜伏兵。傳礮大呼。其杰等亟遁走。傑醉臥未起。衆擁至定國所殺之。先是傑以定國將去睚。盡數十人。定國僞恭順。多選妓侍傑。而以二妓偶一卒。止寢。卒盡醉。及聞礮欲起。爲二妓所掣。不得脫。皆死。明日傑部將回軍攻城。自東門入。老弱無子遺。定國奔考城。尋走降于

大清軍。

黃得功聞傑死。復引兵襲揚州。將盡殺其妻子。以報城中大懼。史可法急命同知曲從直諭解之。乃

引兵去。曲從直遼東人。

明以吏部侍郎蔡奕琛兼東閣大學士入閣辦事。

尋復以唐世濟爲右都御史。皆阮大鍼援之也。

明以衛允文爲兵部侍郎總督開歸防勦軍務。

高傑旣死。部下兵將大亂。互爲雄長。睢州旁近二百里。殺戮無遺。史可法聞之流涕曰。中原不可爲矣。遂馳至徐州。以總兵李本身乃傑甥。請用爲提督。代統其衆。又立傑子元爵爲世子。撫定其軍。黃得功。劉澤清。良佐。聞可法欲以本身將傑軍。連章劾之。而監軍衛允文。希馬士英指。亦論可法督師爲贅。士英喜。卽擢允文兵部右侍郎。總督與平標下兵馬。經畧開歸防勦軍務。以分其權。可法益不得展布矣。

尋撤傑兵回揚州。改命劉良佐防歸德。

我

大清兵克西安。李自成走襄陽。

我

大兵至潼關。賊將劉芳亮迎戰。奮擊敗之。俘斬無算。自成親率馬步兵至。復大破之。遂克潼關。僞伯馬世耀以七千人來降。斬之。進克西安。自成已焚宮室。由龍駒寨走武岡。入襄陽。復走武昌。我

大兵兩道追躡。蹙之于鄧州。承天。德安。武昌等處。窮追至

賊巢。連破走之。

自成至湖廣。衆尚五十餘萬。尋爲我

大兵所迫。部衆多降。或逃散。自成走延寧。蒲圻。至通城。竄于九宮山。率二十騎。略食山中。爲村民所困。自縊死。或曰。陷泥淖中。村民擊之。腦中鉏死。時我

大兵遣識自成者驗其尸。朽莫辨。獲自成兩從父僞趙侯。僞襄南侯。及僞汝侯劉宗敏等。皆斬之。其兄子過偕諸賊帥。奉自成妻高氏。降于唐王。聿鍵未幾亦死。蒲圻

晉縣。通城。宋縣。今俱屬武昌府。

二月明以阮大鍼爲兵部尙書。

命大鍼以尙書協理部事。仍巡閱江防。大鍼雖長中樞。

置一切兵事不問。顧時時撓六部權。任劉應賓。沂水人。爲

文選。濁亂銓政。再舉考選。擢其私人二十餘人爲給事。

御史嘗欲罷撫按糾薦。令納金于官。糾者免。薦者予。其

謬誕如此。中書舍人林翹善星術。以嘗決土英必大用。

繼戚請以陳麟鄧林奇爲總兵。大鍼索賄。始給勅印。諸

白丁隸役輸重賂立躋大帥。時人爲之語曰。職方賤如

狗。都督滿街走。林翹江浦人。

三月明人有自稱崇禎太子者。下獄治之。

北都之變。李自成劫太子慈煥西走。不知所終。或傳其

已遇害。至是有自北來稱太子者。召勲臣朱國弼等。閣

臣馬士英等翰林劉正宗安邱人等入見武英殿面諭同

府部九卿科道辨驗真偽日午羣臣奏係故駙馬都尉

王昺

高陽人。尙穆宗女延慶公主。

姪孫王之明曾侍衛東宮家破南

奔鴻臚少卿高夢箕

河間人。

家丁穆虎教之詐稱太子乃

下之明中城兵馬司獄越四日復逮夢箕穆虎鞫于午

門外皆具服亦下刑部獄時都下士民皆以太子爲真

衆論籍籍謂士英等朋奸導上滅絕倫理黃得功卽抗

疏爭之

疏略言東宮未必假冒先帝子卽上子未有了無證明混然雷同者臣恐在廷諸臣諂佞者多

抗顏者少

卽明白識認亦不敢抗論取禍矣。

命三法司覆訊王之明等遂令

燬得功原疏以絕奸謀左良玉亦疏請保全東宮且斥

士英等爲奸臣以王之明自供甚明將審明畧節諭之

而已。

明河南婦人有自稱王妃者。下獄治之。

河南有婦人童氏。自稱藩邸王妃。劉良佐信之。巡撫越其杰。具儀從送至京。以爲假冒。下童氏錦衣衛獄。以前巡按御史陳潛夫嘗于途次稱臣朝謁。亦逮治之。中外譁然。良佐因言王之明。童氏兩案未協輿論。懇求曲全。兩朝爰倫。毋貽天下口實。命將獄詞刊布。以息羣疑。

我

大清兵定河南。

我

大軍既定關陝。復移師下江南。出虎牢關口。分兵自龍門。

關及南陽三路同趨歸德克鄆城上蔡諸縣所過城邑皆望風欽附遂進取歸德巡按御史凌駟及其從子潤生死之南陽副將李好降河南悉定

明左良玉舉兵反

良玉既與馬士英有隙

士英謀築板磯爲西防良玉而歎曰今西何所防殆防我耳而

黃澍匿其軍中與諸將日以清君側爲請良玉躊躇弗應會王之明事起良玉爭不聽心甚不平澍欲借此激衆以報已怨召三十六營大將與之盟良玉亦以士英裁其餉益大憾反意遂決乃傳檄遠近以討士英爲名

復上疏請誅之

疏言自先帝之變士英利災擅權事事爲難逆案先帝手定士英首翻之要典

先帝手焚士英復修之又募死士伏皇城詭名禁軍動曰廢立由我陛下卽位之初恭儉明仁士英百計誑惑

進優童艷女。傷損盛德。復引用阮大鍼。睚眦殺人。借三案爲題。凡生平不快意之人。一網打盡。今天下士民。裹足解體。目今皇太子至。授受分明。士英一手握定。抹殺識認之方。拱乾而信朋謀之劉正宗。忍以十七年嗣君。付諸幽囚。凡有血氣。皆思寸磔士英。大鍼以謝先帝。乞立碑市朝。傳首。疏上。遂引兵而東。自漢口達蘄州。列營三百餘里。士英大懼。急命阮大鍼。劉孔昭率兵會黃。得功。趨上江堵禦。袁繼成請赦太子。以遏止之。不聽。良王之發武昌。邀總督何騰蛟。偕行。付家人。令速走。將自到。良王部將擁去。置之別舟。乘間躍入江。漂十餘里。漁舟救之。起。則漢前將軍關忠義侯廟前也。家人懷印者亦至。相視大驚。覓漁舟。忽不見。人謂騰蛟忠誠。得神祐云。

夏四月。明周鍾光時亨伏誅。遂殺前禮部郎中周鏞。山東按察司僉事雷縉祚。

先是。馬士英以鏞。縉祚。嘗主立潞王議。指爲姜曰廣私。

黨令朱統鑣劾奏逮治。及周鍾、光時亨下獄。士英復言
二人罪應族誅。而請以鑣從坐。阮大鍼亦與鑣有夙憾。
于是御史羅萬爵蕪湖人、王懷等連疏詆鑣。續祚至比續
祚爲成濟。請亟正西市。至是左良玉稱兵。人情洶洶。而
良玉檄中復斥其構陷鑣。續祚狀。士英等益怒。因謂鑣
實召良玉兵。遂戮鍾。及時亨。而賜鑣續祚自盡。故事。小
臣無賜自盡者。因良玉兵東下。故大鍼輩急殺之。

明徵劉良佐等將兵入援。

左兵將至。馬士英急調良佐等入衛。劉澤清亦以勤王
爲名。大掠而東。時史可法以

大兵將及淮南。連疏告警。時召對羣臣。大理少卿姚思孝

歙縣人。

御史喬可聘。

寶應人。

成友謙。

南通州人。

請毋撤江北兵。亟

守淮揚。士英厲聲叱曰。若輩東林。猶藉口防江。欲縱左逆入犯耶。北兵至。猶可議款。左逆至。則若輩高官。我君臣獨死耳。力排思孝等議。淮揚備禦益弱。

明左良玉死于九江。

良玉至九江。邀袁繼咸入舟中。語及太子下獄事。大哭。因袖出密諭。邀諸將盟。繼咸正色曰。先帝舊德不可忘。今上新恩。亦不可負。良玉色變。乃收檄爲疏。駐軍侯旨。繼咸歸。方謀拒守。而部將郝效忠陰約良玉兵入城。殺掠縱火。殘其城而去。良玉已疾篤。夜望城中火光。太息曰。吾負臨侯。

繼咸別號。

嘔血數升。遂死。其子夢庚秘不發喪。

諸將共推爲帥。留七日而東。兵勢尙盛。自彭澤以下皆

陷。黃得功方駐軍荻港。在繁昌縣西。進拒夢庚于銅陵。破之。

解其圍。阮大鍼等曰。虛張捷音。以邀爵賞。得功尋復敗

其衆于板子磯。乃封得功靖國公。命移家太平。一意辦

賊。良玉後管總兵惠登相。本降寇。過天星。感良玉恩。有忠實心。方諸將自九江東下。連陷郡縣。獨池州不破。

貽書言留待後軍。登相大詬曰。若此。則反不如我前爲

流賊時矣。如先帥未命何。撤其軍返。夢庚索輕舸追之。

相見大慟。登相以夢庚不足事。遂引兵絕江去。諸將乃

議還軍。而大清兵已至江北。夢庚遂執袁繼咸。及安慶巡撫張亮。偕

黃澍。率衆歸附。亮乘間赴水死。繼咸北行。亦不屈死。

大清兵克泗州。

大軍自歸德起行。潁州太和悉下。兵未至泗州二十里。遣將先奪泗北淮河橋。守將焚橋遁走。我

大兵遂夜渡淮。翌日追五十餘里不及。

我

大清兵克揚州。明督師兵部尚書兼大學士史可法等死之。可法初聞

大兵日南下。將移軍泗州。防護祖陵。輜重已發。而左良玉稱兵。召之入援。渡江抵燕子磯。黃得功已破良玉軍。可法乃趨天長。檄諸將救盱眙。俄報盱眙已降。

大清泗州援將侯方巖敗歿。可法一日夜奔還揚州。訛傳許定國兵將至。鐵高氏部曲城中人悉斬關出。舟楫一

空可法檄各鎮兵無一至者獨總兵劉肇基自白洋河
在桃源縣西白洋鎮趨赴請背城一戰可法持不許十
即潼水之下流也八日

大清兵大至屯斑竹園招諭可法及衛允文等降不從明
日總兵李棲鳳監軍副使高岐鳳拔營出降城中勢益
單諸文武分陴拒守舊城西門險要可法自守之作書寄母妻且曰死葬我高皇帝陵側

越二日

大清兵薄城下用巨礮擊城西北隅城遂破可法自刎不
殊一參將擁可法出小東門既就執可法大呼曰我史
督師也乃殺之可法死覓其遺骸天暑蒸變不可識諭年家人以袍笏招魂葬于揚州郭外之梅花嶺梅花嶺在揚州府新城廣儲門外一名土山劉肇基率所部四百人巷

戰力不支與副將乙邦才

青州人

馬應魁

字守卿貴池人

莊子固

字憲伯遼東人

汪思誠等皆死衛允文

赴水死

及在籍侍郎張伯

鯨

自經死知府任民育

著緋衣安坐堂上就殺

同知曲從直王纘爵

鄞人

知縣周志畏

亦鄞人

羅伏龍

新喻人

吳道正

餘姚人

運使

楊振熙

臨海人

縣丞王志端

孝豐人

幕客盧渭

字渭生長洲人

歸昭

崑山人

等皆死之員外郎何剛

字慤人上海人

庶吉士吳爾璵

崇德人

皆參可法軍事城破亦投井死其他諸生

高孝纘王士琇王纘

王績王績又有武生戴之藩醫者陳天拔畫士陸愉義兵張有德市民馮應昌舟子徐某

及婦女死

節者不可勝紀

時福王命劉澤清往援揚州而澤清已

大清

史可法

覆磔誅之

按

史可法

本朝賜諡忠正

五月我

大清兵渡江

我

大清兵臨江。總兵鄭鴻達。鄭彩。以水師守瓜洲。副使楊文驄駐金山。扼大江而守。會王擢文驄常鎮巡撫。兼督沿海諸軍。文驄乃還駐京口。合鴻達等兵南岸。與大清兵隔江相持。

大清兵編大筏。置燈火。夜放之中流。南岸軍發礮石。以爲獲勝也。日奏捷。己丑夜。

大清兵乘霧而濟。迫岸。諸軍始知。倉皇列陣甘露寺。鐵騎蹙之。悉潰。蘇松巡撫霍達。長安人。及文驄俱走蘇州。鴻達等縱兵大掠。遁還閩中。

明福王出奔太平。

京口敗軍奔還。南京大震。福王荒宴。至夜半。跨馬自通濟門出走。遂奔太平。劉孔昭斬關遁。馬士英以黔兵自衛。挾福王母妃走浙江。亂兵入獄。擁王之明立之。時黃得功方收兵屯蕪湖。福王潛入其營。得功驚泣曰。陛下死守京城。臣等猶可盡力。奈何聽奸人言。倉卒至此。且臣方對敵。安能扈駕。王曰。非卿無可仗者。得功泣曰。願效死。士英遁廣德。知州趙景和閉門拒守。士英攻殺之。遂走杭州。阮大鍼亦自上江逃至。未幾。大兵至杭州。路王常芳開門降。士英與大鍼俱走嚴州。方國安營。明年。大兵勦湖賊。擒士英。誅之。大鍼乞降。從。大兵攻仙霞關。僵仆石上死。

我

大清兵定南京。

大軍營城北總督京營忻城伯趙之龍奉表納款。勲戚白。

魏國公徐川爵。

宏基之子。

駙馬都尉齊贊元。

尚光宗女。

靈璧

侯湯國祚。安遠侯柳祚昌等。大臣自大學士王鐸。禮部

尚書錢謙益等。文武數百員。并城內官民迎降。高傑子

元爵及廣昌伯劉良佐等。亦于沿途歸附。得馬步兵二

十三萬。

大兵遂入屯城中。

時刑部尚書高俅。吏部尚書張捷。副都御史楊維垣。皆死之。而庶僚殉難者。則

有儀制司主事黃端伯。不屈死。戶部郎中劉成治。自縊死。戶部主事吳嘉允。謁方孝孺祠。從容投繯死。中書舍

人龔廷祥。投武定橋下死。欽天監博士陳于階。自經于公署。其諸生布衣死者。則有吳可箕。金璽。陳士達等。

端伯。字元公。建昌新城人。成治。字廣如。漢陽人。嘉允。字繩如。松江華亭人。廷祥。字伯興。無錫人。于階。上海人。可

箕。徽州人。士。達。俱南京人。

我

大清兵至蕪湖。明總兵田雄宣府人。刦福王由崧以降。靖國公黃得功死之。明亡。

南京既定。我

大清遣官兵及降將劉良佐等襲太平。福王登舟欲渡江走。

大兵據江口。截其去路。黃得功以戰荻港時傷臂。衣葛衣。以帛絡臂。佩刀坐小舟。方督麾下八總兵結束前迎戰。而良佐大呼岸上招降。得功怒叱曰。汝乃降乎。忽飛矢至中其喉左偏。得功知不可為。擲刀。拾所拔箭刺吭死。

本朝賜諡忠桓其妻聞之亦自經。總兵翁之琪投江死。田雄遂挾福王以降。所屬總兵及部衆俱降我。

大兵執福王至南京。改南直隸爲布政司。以應天府爲江寧府。分徇郡縣。無不歸附。江南悉定。

王師遂進平浙江。

王明發獻平福王

寧獻宗時福王朱由棖在

大興府王至南京又南直隸巡撫

王明發獻平福王

王明發獻平福王



